

兩浙輶軒續錄

兩浙輶軒續錄補遺卷五日

夏建謨 夏建寅 陳炳 項傳霖 盧孝則

郁鼎鐘 桂衡 茅汝拔 姚忠亮 鈕福皆

姚近寶 翁學濬 沈鵬元 王金鎔 何慶熙

鈕福疇 杜寶霽 翁學涵 文瑞 許震華

陳福年 汪通孫 張鳳苞 許光鑑 高瀾

勞權 勞格 高學潤 陳縉 吳汝燮

汪泳之 查世濂 查世鴻 查奕錕 章鏞

洪燧 陶逢吉 張岳鎮 汪守愚 吳兆圻

吳武曾 馬又籤 胡祖彝 錢椒 王蕙臣

金集 沈沆 姚衡 陳文楨 陳沅

葉煥 厲得鵬 汪璪 余滋 鍾蘭

駱炎 諸如綬 金兼 章涪 楊鸞

郭象履 楊庭蘭 林用光 朱鳳輝 張嶙

金肇洛 吳璇 馬慕蘭 戴咸弼 鈕承筠

魏士龍 鈕福海 陳潤 來煦 唐王森

孫秉元 龔秉琳 錢寶廉 貴成 葉福凝

張徐鼎 夏拜颺 陳寶善 陳熊 裴宗瑞

詹吉 范新 高爵 洪昌壽 王晉臣

高如陵 查有淦 徐家駒 宋榮 高書培

沈煊 鄒清 倪葆辰 張陶詠 錢松

朱浩 周閑 葉思澄 王襲之 孫傳榕

孫爾根 沈雒 吳世美 沈振麟 胡紹基

沈慶慈 錢智林 嚴箬 虞峻 史福濟

史英濟 史久中 楊鼎 孫植方 孫悅祖

梁之祥 姚汝晉 施煇 陳墀 王模

陳壽瑤 林茂岫 林藍 方彬 戴熙堂

吳煥文 王鴻駟 郭沈彬 都承恩 何岱

兩浙輶軒續錄補遺卷五

督學使者潘衍桐訂

夏建謨

字真銓號有橋錢塘人道光壬午進士官山東武定同知

使東

府志建謨在官勤恤民隱循聲卓著以積勞病歿遺摺回籍邑民夾道爭送光緒己卯從孫同善以事查驗惠民決口父老猶有攀轅述建謨德政者道旁豐碑屹立同善下車拭讀太息久之盜歲工詩文兵燹後

遺棄多散佚矣

秋草四首用漁洋秋柳韻

一望淒迷欲斷魂
冷煙寒露總閒門
西堂尙溼新題字
南浦空留舊燒痕
千里荒涼添夕照
一番蕭瑟換前邨
尋春忍說當年事
策蹇歸來恨莫論

勁節孤芳亦耐霜
其如舊夢冷池塘
已無旖旎留金埒
猶自芊絲映玉箱
此日危樓聽感築
當時銅輦駐君王
長天飛鳥都歸盡
一片蘼蕪接遠坊

拾翠相將趁袷衣風光轉眼事全非
霜深漢苑遺簪在日落吳宮步履稀
高閣忽驚鴻遠到故園空見蝶雙飛
早知青帝難爲主忍把春來素願違

淺碧深青劇可憐那堪眞箇欲成煙
難同黍谷回吹律紉得蘭心當著絲
流水相依曾古渡東風能活已來年
獨持樽酒澆情土腸斷江南夕照邊

夏建寅

號虎泉建謨弟
錢塘廩膳生

府志建寅性至孝父綸病建寅泣涕禱天封股以進病頓瘳友於兄弟績學能文尤工吟咏孫同善克承先澤遂大其門

廣野君

側注儒衣謁漢王諫探虎口慮何長
囊錐自可追毛季使節誰云奪解揚
後裔食功封武遂當年奇策據敖倉
孰知四皓

商山隱鸞鳳終多雲外翔

陳

炳

字奐若號真齋定海人道光壬午舉人

取知縣著雍綠山房遺藁

緝雅堂詩話君少沈毅寡言笑得官後不樂仕進教授于鄉多所造就爾呂留君及薇香黃君皆出其門工試帖積藁至千八百首亦大觀也

寄題雙池書屋詩鈔

塵寰碌碌讓人忪胸次恬然世味忘風月隨時耽嘯詠山林到處費平章探懷尙曠江淹錦得句應歸李賀囊聞道亂書堆裏坐吟詩垂老鬢成霜

放言

湖海平生志蹉跎二十年神鯤秋試水雄劍夜摩天少達真非福奇窮乃益堅健兒莫相笑老將在幽燕

項傅霖

字叔雨號几山瑞安人道光壬午舉人官富陽教諭

孫衣言撰墓表先生篤好古學自諸經史外天文歷祿陰陽風角諸書無所不讀尤精形家言遊京師與上元梅留亮巴陵吳敏樹震澤張履桐城蘇惇元仁和邵懿辰嘉興錢泰吉諸先生爲文字交事兄甚恭以雁湖先生性喜書每自外歸必多致古籍相與校勘爲樂暮年所藏數萬卷丹鉛幾遍遇祕籍必展轉鈔寫吾鄉之有藏書自先生兄弟始所著有筆記十卷

午睡伯言書至

吾欲驅睡魔睡魔不肯去開作睡詩用自恕長安風塵日喧
颺高軒大車如輕絮酷暑亭亭日正午衣冠襍襪集何遽吾
夢華胥亦不惡讀書何必嗟瓠落世路榮華徒溷人何如泛
泛雲中鶴晚星尙惝身先情朝暉已出猶高臥俗事愈稀身
愈嬾午簟展風添睡課漆園栩栩乍成蝶猗猗一聲如裂葉
炎歊盡祛扇不御紙窗翕闕鳶跼跼故人殷勤書相問竭來
字課應矜奮談諧相答莫相驚學殖翻藉夢魂醞腸胃剖向

反袂歌麟後斯文絕復存帝王才自易妾婦道方尊辨爲閨
邪說居當近聖門一篇原道在最足紹心源

題余澹心板橋雜記十二首

錄四

一曲琵琶淚點新媚香樓上月如銀南朝事事風流甚添箇
紅妝作黨人

喋血從容一死先孫三今日快登仙白門柳色黃泉月一樣
風流號比肩

滄海桑田事可傷家居難問大功坊飄零豈獨徐公子多少
王孫泣道旁

金粉叢殘破板橋秦淮無主自春潮猶存白髮橋頭婦解聽
張魁舊洞簫

衰草

汝若知天意秋來已早殘風霜敢自惜遲莫獨能安猶抱寸
心在他時春雨寒情深那得斷一碧更愁看

姚忠亮

字仲明山陰人道光壬辰
舉人官直隸內邱知縣

七十初度遣懷

容易韶光客裏過此身畢竟誤蹉跎夢中早禿生花筆眼底
空揮卻日戈老大自傷同輩少新知猶喜異鄉多有懷明發
終難寐多謝門人廢蓼莪

鈕福皆

字壬林烏程人道光
甲午舉人候選知州

同治壬戌閏中秋節在申江諸君招飲詩以誌謝

欲把蒲觴醉不成烽煙四起偪菰城端節前二日城陷自從拋棄田

園後五度他鄉見月明

湖濱八月風光好

時在滬埠
臥病兩月

七二峯連跋可望病裏恩恩佳

節過薄帷明月皎如霜

自憐辛苦賊中來
覽鏡俄驚鬢雪堆
天意欲留秋色駐
一年兩度桂花開

同來海上玩嬋娟
招飲歡逢與盛筵
膝下差欣尙完聚
重生

人共月重圓

余兩子亦被褫先
後至蘇境逸出

送丁月湖

兆慶

自滬歸里

蓼渚與蘋汀
家鄉夢裏經滄桑
倏更變江海共飄零
衰病頭逾白
窮愁眼孰青
萍蹤暫相聚
驪唱又長亭

文獻菰城盡焉能
此久居秦灰有餘燼
孔壁尙留儲

君有藁藏文

廟兩廡

安得一尊酒
同讎數卷書
客中盼歸權行矣
莫躊躇

避兵至滬晤丁蕃園
媼文置酒招飲
出圖索題感賦

憶昔聚鄉里
俯仰常自怡
自分終暮齒
優游無窮期
不意兵

禍亟啟覺由邊陲江南遂鼎沸滄桑變一時君幸見幾早飄
然脫塵羈我墮羅網中糧盡同噉飢鄉井痛淪陷骨肉悲流
離餘生脫虎口僑寓申江湄萍蹤忽然聚握手屢躊躇君病
足不良我歎鬢如絲繪圖索題句觸緒增愁思夙昔釣游處
井廢垣牆敲哀鴻聲嗷嗷滿目盡瘡痍所望天戈指捷音露
布馳妖氛一旦掃甘露四野施長歌歸去來田園蕪可治紅
葉已辭樹黃花尙滿籬願邀故人飲同醉酒一卮

姚近寶

字斗瞻號破庵祖同孫錢塘人
道光乙未進士官刑部員外郎

題鄒蓉閣春湖餞別圖

圖以失而復得重
裝徵詩卽次原韻

珍重奚囊一卷開當年祖餞萃羣才披圖重聽離聲咽聞笛
彌增歎逝哀三竺煙雲供想像六橋花柳盡蒿萊如君合是
遼東鶴又向紅塵一度來

翁學濬

原名孝濬字玉泉餘姚人道光丙申進士官戶部主事著藤花軒詩集

古詩

紫宸拱主極朱曜輝復旦留中陳祕籍眺景侍宸翰瓊樓聳
層霄玉殿儼清漢邀涼敞綺窗避霰垂錦幔佳氣含蔥蘢清
光結璀璨迴風春及物嘯鳥聲暗換攬勝開芳筵從行集清
案高迴望城闌平坡辨崖岸山遠螺點浮川廣鱗波散叨榮
碧釀深從遊朱廊粲獻禮明良慶薦樂清商按躋恩竭歡愉
寵錫飾珍玩悚上瓦缶音愧無明聖贊

沈鵬元

號少蓮仁和人道光丁酉順天舉人官陝西鹽法道

蕉扇

綠窗人靜午陰清巧製團圓入握輕點筆祇應開士種栽紈
休締美人盟益花有美人蕉劇豔未緣覆鹿尋涼夢待撲流螢帶雨聲

王謝風流今闕寂，蒲葵六角浪成名。

王金鎔

字麗生，仁和人。道光丁酉拔貢，官至內閣侍讀學士。

集慶寺

易代猶能識御容，禪關黛色隱喬松。
花開輦道滋新雨，石潤經幢失舊蹤。
墓碣蒼涼三尺土，寺門清遠一聲鐘。
雲低竹互深山裏，賸有殘僧布衲縫。

何慶熙

號松蹊，平湖人。道光丁酉拔貢，官直隸清河知縣。箸三紅吟館詩鈔四卷。

小宛庵詩話松蹊詩清華閣潤中饒獨儻之致。

懷方丈鐵珊

垂老方三拜，春來多病身。
大文河氣勢，薄俸鶴精神。
瓶鉢如依佛，圖書足養真。
行囊贈詩句，應惜我長貧。

且園贈林梅隱

鴻天環碧水人坐水中央
駢鶴亦高致老梅多古香
不知有魏晉相與話
裴王呼出孤山月
陶然足醉鄉

鈕福疇

字敘倫號西農烏程人道光丁酉拔貢官安
徽舒城知縣著亦有秋齋詩鈔駢體文鈔

清淨寺觀金忠烈公墨蹟

平臺偉論動楓宸
慷慨批鱗有幾人
榮世文章能壽世
將臣韜略屬詞臣
佛壇五夜英風起
梵壁千言士氣伸
屏書東方曼倩答客

難全

歎息金陵遺祚短
白門山色自嶙嶙

黑蛟長守夜
黃昏風骨稜
稜手可捫
吾道干城遺
老輩名山俎豆被

新恩

本朝賜諡忠烈今已奉祀還古書院
兩京臺諫徵書在
六嶺鄉兵故壘

存定有清香
生翰墨
煙雲繚繞拂經旛

杜寶爵

字醒佳號甘蔞丙杰子山陰人
道光丁酉拔貢官內閣中書

兩折輜千續錄補遺

卷五

鈕福疇 杜寶爵 翁學淵

八

緝雅堂詩話杜氏世爲於越甲族科第蟬聯先生貢後
從子衡又登拔萃科尺莊徵君孫稼軒太守子也先生
性靜退不樂仕進至鄉郡義舉無勿以身先之其最著
者自道光己酉倡立越郡采訪節孝局捐私財獨任其
經費迄咸豐戊午得
旨旌者凡四千餘人手輯幽錄梓行之以備異時志乘之
采成甲乙丙三錄而歿厥後會稽孫君道乾墮其成事
得請于官以公田濟其用至今八邑窮簷苦節無墜于
上聞者今其諸孫啟南余按臨兩試皆高等補廩槩
應棠年未冠能詞賦亦取入縣學後起殆未艾也
題煙雨歸舟冊子爲學師某先生作

鄉思難忘是秀州經年宦迹紀浮漚得師人坐龍山月有子
名題雁塔秋閒對蓬萊餘嘯傲門盈桃李悵歸休他時煙雨
樓頭望可許新詩寄我不

翁學涵

原名孝瀚字蕙舫學濬弟餘姚人
道光丁酉拔貢官戶部員外郎

秋夕

西風送落葉秋老薄寒警雁擣曳何多蟲機織彌永感時懷

遠道此心徒耿耿，寒幃望明月，微遮白雲影。

文

瑞字冠梅，杭州駐防道，光己亥舉人。

柳營詩傳冠梅
官直隸有循聲

客齋遺興

辛苦輪蹄雨雪霏，歸途楊柳綠依依。自家文繡從無用，卻替他人作嫁衣。

底用蹉跎苦自憐，苑枯一笑悟因緣。羽毛待滿何時滿，此鳥硜硜太信天。

風塵牛馬任人譏，猿鶴家山望眼迷。莫問宦情濃幾許，子規嗁罷鷓鴣嗁。

許震華

字元振，號筠盦，錢塘增貢。

蔡玉瀛曰：先生性儉約，節縮衣食，周濟貧困。好談因果，藉翼世道，勵志讀書，抑鬱以沒。

楊振鐸曰先生故素封居家如寒素不慕榮利讀書以
身體力行自勵舉先正格言推廣其情緝爲語錄詩善
詠史激昂慷慨時露性靈所居小有園榭與素心二三
人樂數晨夕中年多病絕意進取未及強仕遽歸道山
春陰

爲雨爲旻兩不眞厭厭作態欠精神銜將西日偏宜暝捲入
東風半未勻一寸光陰千縷恨三分流水半隄塵天公也被
芳華醉好夢如雲伴酒人

一抹殘雲弄曉寒閒吟淺醉兩難安瓶花半放垂簾坐庭草
纔蘇埽徑看蠟屐預愁泥滑滑薰篝如對霧漫漫澹黃月子
明還滅移上疏櫺又畫闌

陳福年

字介選錢塘諸生

吳山

江湖望不極復此坐茶亭岸上春如織風前酒欲醒英名慕

南海

山上有周御史祠

雅記入西泠往采紫陽石歸來拜古庭

汪遜孫

字次律號琴庵一號黼海錢塘人候選詹事府主簿著餘閑虛室詩藁

杭郡詩三輯蓉垞續承先志以墳籍自娛母死哀毀不食肉者十年烏程費曉樓丹旭以畫名於時每游杭必至汪氏蓉垞濡染其閒山水人物盡傳其妙辛酉冬省城再陷汪氏洵難者百四十餘人君則殉於武林門外妻關避居諸暨之江藻亦不食死

曉樓嗜畜鴿戲爲放鴿歌

一行鵝鶴飛連翩曉風天半鈴聲圓弁山之東環溪前晨昏
收放勞自偏綫眼錦背種派別赤黑青蒼燦成列主人晝餘
吟事閒憑闌流睇心神悅君不見和靖鶴支公鷹雅人有癖
眾口稱又不見崔鴛鴦鄭鷓鴣名以詩傳任所呼君今嗜好
與古偶我有調言君知否不能銜水注硯伴芸窗何如人日
調羹佐春酒我聞波斯之鴿一飛一千里況乃苕溪路猶邇

盼煞雲天憶故鄉不見傳來書一紙

池上納涼

院靜漏聲稀宵深暑氣微偶來池上坐忽見一螢飛月淡暗庭樹露涼生葛衣倚闌眠不穩昨夜夢柴扉

張鳳苞

字桐友炳長子錢塘人箸雲松晚翠吟藁

杭郡詩三輯桐友友愛寬厚其言藹如開戶讀書不求仕進閒訪幽勝新詩滿囊蘭佩荷衣託情自遠

醒心書屋在花落之西文學戴大受讀書處

古柏山梅掩映餘來過文學戴公廬避人小築元高世垂老

華顛獨著書剡曲風徽通列宿濠梁樂意羨游魚醒心畜德

吾儒事

嘗著醒心畜德諸錄

笑煞楊雄問字車

松月居是明僧宗泐誦經處

瞿曇已久化松月故依然秋雨相思最

張伯雨寄詩野花隨相思秋雨餘

意妍御廚齋膳賜佛國樂章全洪武初應召製齋佛樂章膳無虛日每和詩稱泐翁
應入高僧傳經過一慨然

掬湖臺在芙蓉巖東

巖花擁石臺舊有謫仙來欲折芙蓉晚秋風裂古苔明湖能
鑿髮素鶴已含胎獨自題名去風塵惜此才

許光鑑

字書壘仁和增貢箸琴韻樓詩存

孫德祖曰書臺年丈續學勵行世孝友以術詩書之擇骨重神寒才豐遇齋闕雞七律一章猶培之同年手錄見跡者藏之篋行忽忽已周星紀培之亦久成宿草悲夫

鬪雞

乍看木立養成時韓孟交情此鬪詩芥羽何嫌成小隙雄冠
猶得想英姿綠缸芳草圖新染朱邸棠華檄正馳絕勝唐家
傳故事奪標還讓五陵兒

高

瀾字荻浦仁仰附貢
善護壽廬詩鈔

周三變曰荻浦孝友溫恭出於天性以儉持家義所當為則推解不吝與人交不輕然諾既任其事必計畫盡善而後已喜爲詩室馮晚香女史亦工吟有雪窗倡和詩册

山陰道中

十月山陰道連朝雨雪霏人從煙際語舟載月明歸客久吟
懷倦寒深酒力微愁看江上雁故作斷行飛

寄呈越垞從叔鳳臺都中

宗袞西泠望新蜚日下名聲華尊藝苑志氣勵平生梯早渡
霄遠銜誇似水清素持風雅柄韶濩定爭鳴

宮禁千門曉人依尺五天麻宣

金殿客望敵玉堂仙解作璠璣目遙知宰相賢

叔尤爲曹麟
笙章桐門兩

柑國未能除結習退直守青氈

勞

權字平甫號巽
卿仁和諸生

緝雅堂詩話先生孤峭絕俗長於攷訂之學喜藏書多
前人手辭本世居鄒水園樹隱秀與弟格互相師友詞
章精潔工於言情間爲倚聲淡逸類嚴秋水庚辛閒避
氛海上格以憤死先生事定旋里廬舍殘廢書卷盡燬
形影自弔不
數年亦卒

古意

外侮陰窺鸞懿親起薄蝕重華不可與帝望何由塞世變紛
相乘民勞日以亟積霖生涂潦真宰久曠職饑溺如當平敢
云一士力其咨呼仁人孰是益與稷庸乏三傑才高議眾莫
識蒼蠅聞鳳噉大笑乃滋惑薄暝矚層城黃沙杳殊域感時
重撫膺華鬢已凋黑芝草歌漢恩蕨薇荷周德事業懷古人
浮雲思無極

遁名絕外緣怡志安永命虛明杳無著隨適得其正爲飛暨

魚躍物我兩無競煙霞深復深窮往暢天性丹房聆籟寂巖
室鑿輝淨寄情凌天風仙源若我迎琪草晨曜披瓊華暮霞
映俛瞰層雲下茫然昧其竟此心還太虛得失焉能病高瞻
遺塵想至人固若鏡

早起尙微雨驚風森萬木白雲度嶺來悠然止林麓細徑倚
山開策嶮凌重谷一鳥嘯林端蕭然天地肅寒湍滌宿滓御
風振筇竹至理足人心觸境卽來復心忘境亦忘何私相起
伏

浮生悔形役天懷怒焉挫索居隔蕭曠郊原偶經過清朗感
物候心遠脫塵沍山寶哀響侵瀑練烈風破清芬散竹木小
立成幽課佳景彌眷想白雲許倡和韶華亦已晚低回牽網
邏動靜交相養巖棲無轍珂

勞

格字季言仁

和諸生

勞檢曰季言弟性沈靜勤於誦讀年十三卒業諸經得
各血疾醫家謂宜靜攝乃竊閱漢唐諸史資治通鑑三
年病愈史學亦能融會矣長洲陳碩甫錢唐嚴厚民仁
和趙星甫孫雨人諸先生皆引爲忘年交平居讀書時
每置空冊於案遇有疑義輒筆之暇時繙閱諸書互相
考證必至精密而後已尤勤於校書嘗鐫一印曰實事
求是多聞闕疑凡所校書必鈐其印於卷端迨寇氛日
逼遷吳江同里以卒丁君兆慶爲編次遺著得讀書雜
識十二卷唐郎官石柱題名攷三卷
四卷唐御史臺精舍題名攷三卷
丁兆慶曰季言喜校書密行細書丹黃齊下援證精博
尤熟於唐代典故故壬戌癸亥之間避寇雙溪僦居一室
猶自彙萃著述手寫不輟俄又播遷同里自顧家室飄
零圖書散失竟以憂鬱卒於旅居年四十有五無子

訪宋錢氏書藏歌

忠懿餘閒嗜書史吟成屬草鍾王似熙陵睿賞每移情承家
文采多佳士有人風月貪西冷一片松篁九里亭新綠含波
快延眺看山傑閣臨郊垌閣裏牙籤誇插架風前芸葉紛來

下清晝披吟獨嘯歌人如脈望餐仙化笑謫蓬萊答遠懷一
時朋好嗟天涯榜題曾說眉山老有時笠屐來莎階中朝儼
昱差相抗琴醞從容徵雅量並如文僖好叢殘嫵嬾可到應
先訪情遷事往移心神陌上花開又晚春善本流傳何可見
鐵券玉冊問漁人閒探遺址行芳野亦如梵夾烏金瓦淺草
寒煙約略閒空餘春漲緣隄瀉放懷往昔幾沈吟自來名蹟
勞幽尋書城墨妙已千古韻事今猶播藝林

讀樊榭山人湖船錄擇船名尤雅者各繫以詩

淺莎微步接幫腰已倦游蹤興獨饒卻有缺瓜浮似葉隨風

吹出段家橋

相宜

碎浪魚鱗映鴨頭淨如拭唾膩如油幽探獨自斟桑落向晚
輕陰淡不收

閒綠

風篁石籟繞空冥塵世笙歌卻倦聽西望水仙祠不遠似聞

導引過雲駢

聽止

墮鬢微笑破山容新綠寒皴尙未濃好景一年渾不定此時

約略似南宗

畫卷

容易西風幾度霜漸添寒意到陂塘裏湖一帶松杉接已見

林梢取次黃

觀葉

塔鈴風細聽參差解舍模糊映碧池看足晚來還曉起解人

意緒有花枝

尋烟語

四山蘿葛暖生初呼吸湖光照影疏傾取奚囊刪短什渾如

蕉葉借鈔書

搖碧齋

晶窗低亞倒瓊卮大好圍爐促膝時雪片未飄先有意此中

盛得許多詩

小團瓢

閒來殘夜愛憑闌玉骨冰肌靜裏看試誦坡仙擅奇句乘風

高處不勝寒

水明樓

句留人事感搏沙聊結鷗盟問水涯三五向晨成聚散清游

蹤迹笑楊花

星萍社

高學潤

字雨生鳳臺子仁和人

緝雅堂詩話高君雨生於同懷兄弟行齒最彞壹志誦讀不與家政工書得城武廟堂碑孔冲遠碑精舊本日事臨撫悟其神理詩不多作輒有遠韻幼學早卒人深惜之

西湖八景

柳枝低舞野橋煙節近重三待卸絲眉暈乍分慵入畫腰支
欲起禁初眠流虹浪細迷孤舫走馬塵輕逐去鞭回首西泠
新綠滿幾絲容易惹情牽

六橋烟柳

南屏遠近繞奇峯中有平原夾古松一帶濃陰宜放鶴十圍

老幹盡成龍，遙青入望蘿。偏附淡白橫，空蘚未封風。細長林

吟漸起，滿身涼翠欲扶筇。

九里雲松

靈巖天半結，疏窠幾度清。歌伴晚樵斜，日新腔迷谷口。隔煙

人語雜林腰，行緣苔徑鴉。鋤短響和松濤，鶯嶺遙相約。出山

同薄暮釣篷吹起一枝簫。

靈石樵歌

入耳嘯猿破夕陰，流泉相引到雲林。臺空一飯披藤識路徧

千花挂樹吟，叫夜峯孤寒瀑急。呼羣洞古亂煙深，南屏日午

齋鐘動，猶誤閒僧澤物心。

冷泉猿嘯

丹井荒涼蹟莫知，朝暾欲上樹參差。光分水面波初活，影抹

山眉露尚滋。燕避巢寒衝幕遠，鴿隨鐘韻出樓遲。稚川仙馭

何時返，憩屐閒尋五色芝。

葛嶺朝暾

凌晨玉戲散，續紛孤嶼晴。游趁薄暉石走鳴，泉疑注雨閣迴。

斜照卷行雲半亭折竹撐殘碣十畝寒梅護斷墳野鶴已馴

來去熟幾聲清嘖隔山聞

孤山雲雪

魚鑰偏遲掩麗譙市喧纔動漏聲遙齋鹽物備同趨牖吳越

謳分各繫橈一帶鷺塵通夾岸萬家燈火擬元宵疏鐘水面

清孤夢猶有行人過野橋

北關夜市

靈潮初起海天寒八月秋高記大觀錢弩風馳驕莫挫胥旗

雲卷怒難安危檣欲折偏迎浪孤島中浮孰挽瀾一霎波平

人獨立越山蒼翠撲衣單

浙江秋潮

陳

縉字笏魚海甯人著

錢泰吉曰海昌陳氏代有著述笏魚秉承

家學復師事陸湖山故其所作斐然可觀

張濤曰笏魚詩華而不穉質而不俚

與朗山叔游涉園

給諫名園二百霜我來重訪舊山莊
亭因補缺偏低築花不趨時也
淡妝曲折平橋隨石徑槎枒老樹臥
高牆優游鎮日渾忘倦不管西山易夕陽

登理安寺松顛閣

翠壁蒼崖夾道幽蓬萊境界屬仙游
九谿泉脈千山聚萬笏嵐光一寺收
采藥人隨雲入洞看潮僧共客登樓
松顛閣上憑闌望落日長江起暮愁

吳汝燮

原名之茂字柳門海甯諸生著西齋吟草一卷

偕王萼香

韉

曹笑拈

桂屏

靈峰寺小憩

舊名鷲峰寺

恍移靈鷲勝蕭寺愜幽尋一徑闕蒼竹
四山嘯翠禽飛花香雪積疏磬夕陽沈
茗話對禪榻歲寒同此心

汪泳之

字晴谿海甯歲貢候選訓導

許桂祥曰晴谿年大性顛直鄉里有公舉必勇爲遇不平事投袂而起人或以從井誚之不顧也耽經史寒暑無閒晚歲猶不廢學子以信同治丁卯舉人官衢州訓導課士有法

天目雲海歌

天目山勢何崔嵬亂雲蕩漾鋪成海曉射桑紅日湧輪晚迴
瀾紫霞流彩撐空三萬六千丈凌霄峻峭開奇賞好借仙梯
快一登如憑羽翼飛騰上俯視危巔豁大觀微茫島國浮巖
巒瀾漫浩蕩連渤溟融成一片玻璃紋偶從兩乳探幽宅雲
煙繚繞沈山額綠漲空搖翠萬堆白描幅展銀千尺穿雲直
欲掣長鯨飛泉吼作驚濤鳴攜藤略當浮槎泛著屐還同破
浪行天工變幻誰能測觀海觀雲竟兩得白衣蒼狗悟機緘
碧澗滄溟蕩胸臆

查世謙

字映周號蓉裳海甯歲貢著蓉裳詩草

春日雜詩

春庭有彩蝶弄影何翩翩狂飛不知止忽爲蛛網牽文豹隱于霧神龍潛在淵豈不解自銜靜以全其天至道在寂寞安動有禍愆昧者亦多矣空爲時所憐

大鵬不可見威鳳杳無蹤跼跼有紙鳶乘時御長風虛假成形質操縱由兒童片紙爲六翮自言毛羽豐一朝忽墮落悵望雲天空燕雀爾何知健羨方無窮

查世鴻

字祠年號山賓海甯陳生著碧城詩草

春日霰

春陰壓晝欲成雪古岸老梅僵似鐵鮫人泣冷珠亂傾玉妃寒粟侵肌生蕭蕭萬點打茅屋絕似秋風掃枯竹圓跳瓦縫漏入室承塵臥架俱蕭瑟吟邊噤痺同蟬啞硯枯墨凍不得

寫詩腸清苦索酒澆又見飛花滿眼飄

查奕錕

字金扶號也山海甯人著桐蔭書屋詩鈔

陳鼎傳略也山五參戎幕騰躍金戈鎖馬中善星禽之術性嗜金石辨据甚詳讀書尤精熟所爲詩豪宕感激如其爲人

崇安道中

籃輿穿紫翠處處石爲門松老龍鱗活山深鳥語繁炊煙浮竹塢籬落護花村一水灣環瀉知通九曲源

浙水聯閩海分疆庾嶺峨神仙隨處降文獻此邦多茗啜三山味琴鳴四境和

謂邱淵如大令

荒城形似斗面面倚巖阿

章

字蘭榘餘杭人候選布政司理問

家傳略公先世素封躬儉約爲子弟表率而宅心和厚見義勇爲爲難能也

舉孝

選舉集時彥得人輔貞元立身先植本百行生有原早歲習
文史豈耽華藻繁汲古動興觀德性資爲樊名立實始符譬
彼車有轅所以志士心無稱怒憂煩承顏事耕讀色笑娛朝
暄非必痼泉石何心慕高軒至性充情抱是爲風化源旁求
敦庸行未容老邱園上書獻賢能末俗資藩垣

察廉

人心至虛靈瑩然妙理具纖塵如何著脂膠積以固入世自
有真儻來何足慕山水頗清淑芳菲閱朝暮飛潛適真機佳
日成良遇興來神與游時移安其故反己無所私乃能因物
付推此擴清志仔肩當世務功名不居行位安吾素委懷
淡俗尙清標此先樹國賓意有在漫教廁常數

洪

燧

字佩雙號黎軒新城歲貢官
宣平致諭著養怡軒詩鈔

張景雲傳略黎斬性孝友尤仗義里鄰有急領身周之
咸同間緒氛迫錫粟帛勸集義團以衛桑梓邑陷抗拒
僞命易服而逃崎嶇僅免劫後請條有告置
者猶擬搆以應不足益以稱貸鄉鄰懷之

避寇富春江上作

瞬息滄桑變安危一夢中生涯同鬼趣舊事付秋風大地皆
荆棘危城問鞠窮銷磨肝膽未投筆擬從戎

滿目干戈地愁腸病骨并譌傳蘇老死羞學褚淵生陟險憑
忠信全身報

盛明窮途飭飯厚感媿故交情

禍福窮通理天平醉與醒大江流不極我輩獨飄零故壘旌
旗改空山草木腥漫將王命論苦口格頑冥

生死憑蒼昊崎嶇夢轉安暫圓成骨月露坐逼危巒夜靜尤
聲急風高鶴唳寒何當中興日垂老理漁竿

陶逢吉

宇古山秀水諸生

松庵詩話古山家貧課徒自給性狷潔非義之物雖竟日炊烟不舉不顧也

昇明橋晚眺

野色莽無際遙村接暮天空潭沈夕照茅屋出炊烟紅葉千家樹黃雲萬頃田離鄉纔十里東望覺淒然

張岳鎮

宇晴麓秀水人

耐冷譚晴麓家貧無所好惟愛栽花百卉靡不羅致所居室中釜一茶鑪一餘無有也

秋懷四首

清秋多佳日發興每獨遊強步二三里稱意恆少留林壑有真趣俯仰挹清幽娛樂任心志順受無多求但能適吾性底復勞獻酬百歲亦易逝幾人能優游嘆彼汨榮利役役恆未休

我生不自謀所尚惟耕耘飽食但作息麋鹿甘同羣苦辛無
危機胼胝習諸勤農隙集同志濁酒留斜曛言笑但稱意高
歌日欣欣非敢傲富貴苟得奚足云

秋空淨纖翳浩月流素影虛館絕糾紛悄然對清景金風何
颯颯露飛薄袂冷南來有鴻雁嘹唳還相警終夜默以思此
心常耿耿

居常有所思風景爲誰好乍見火雲飛倏又秋光老時序遞
變遷紅顏詎常保神仙不可求何處有蓬嶼但使尊不空聊
用開懷抱

汪守愚

號虎谿秀水人官江蘇
吳江縣丞著虎谿詩存

沈景修曰君少以貴介子與湯貞愍友善貞愍亟稱其
詩遭亂入貲授崇明縣丞調吳江分防盛澤清介自守
所與往還多知名士常與衣供饌詩旨清雋尤
工詞君兄元魯號龍溪亦官縣丞皆有才名

石佛寺

怪峯如蓮花古佛坐其蒂石室雲爲門微風自開閉昔年採
石人雕鑿只隨意妙明出頑礦是卽最初地千螺釋迦髻十
丈修羅臂石火詩中禪斧劈畫中詣會從奇險閒拜佛問真
諦

王郎歌

消寒集王蔗香齋
卽席賦贈主人

王郎奇逸天下罕冰雪在心熱在膽歲寒匹馬龍江關笑脫
貂裘贈人返歸來賃酒朱雀橋率意更典團花袍門前日口
盛車騎佳賓自至無須招入門同是高陽侶賓主不分吾與
汝一天酒氣浮作雲醞釀奇寒化甘雨銜杯試聽王郎歌東
風入律絲竹和更進一奴使吹笛卽席勞以珍珠螺醉起更
衣忽不見倏聽鳴骸出芳甸虬髯笑挾雉兔還擲向中廚重

開宴歡呼入夜興轉添燭光花影交重簾三蕉獨愧酒腸窄
始則鯨吸終魚噉街鼓統統漏欲絕有客尊前起言別主人
留客自殷勤卻恨歸時少明月君不見北山獵火有餘輝儘
堪照汝踏雪歸

六朝梅圖

消寒集陶谷主人句雨生丈
爲六朝老梅圖卽席題此

毫端春意醉殘冰墨花亂點霜稜稜守梅老鶴卻入戶不許
蜂蝶窺畫屏畫屏一折一惆悵心在六朝千載上玉容絕代
自依然可憐金粉全凋喪其時文品多頽靡此花立格超然
奇亦有清談競元妙花獨無言莞爾笑烏衣巷中幾裙屐招
我花前成雅集文人肯爲花寫照更欲從花問陳迹吁嗟乎
名葩自是太古留勿因異代增繁憂但恐柔毫攝盡冰雪魄
畫梅轉替梅花愁

張贇階以修志事見惠佳章賦答

筆擅三長古所難局僚濫廁愧無端入貲司馬乖羣望賣餅
公羊愧大官疥駱駝文窮可笑驚胡蝶語穢當刊幸從博物
張華後史藁初成獲縱觀

題梅花和尚墓上畫竹石刻

花光舊號費搜尋髭魄先凶詎見侵

西溟湛園札記仲圭卒題墓曰花光和尚後楊

連真伽疑爲己類得不伐然考楊髭發豕在世祖至元誰爲
潤圭以順帝至正十四年卒相去已七十餘歲矣疑誤

湛園刊誤札竹風簌簌動碑陰

殉杖生芽歌

并序

湯貞愍公殉節後橐葬師子窟側及是改窆殉杖已
生萌芽英靈不泯乃如是耶

蒲萄死蔓能復活怪事徒聞比丘說柳公鐵杖或生鱗文人

語幻夫豈真孤忠曠代見靈異殉杖生芽實堪記人疑枯木
何自萌忠爲根株孝爲蒂嗚呼湯公絕代人孝子之子忠臣
孫我是通家舊年少撰杖辟咄常親承江南廿載狃清暇獨
公擊地恆悲詫鏃蛟剝虎非不能舉世人方杖甘蔗亂來人
競避敵鋒如警擣墮迷西東公無寸枋但自潔騎龍竟返馮
夷宮葦筏當時愴遺蛻事平改葬于賢會

賜金

諭祭加元纁翰林奉

敕書碑文幽局一啟盡驚咤異事倏傳天下聞藏碧三年自
完好生氣還蘇赤藤槁槩牙倒茁溫序鬚蕨拳怒握睢陽爪
嗚呼我公大節醇無疵重以三絕書畫詩千秋不朽在青史
何必諾藤長不死側聞公子悲不勝摩挲手澤思遺型試微

故事寄相慰扶老藤因孝感生

辛酉九日示弟輩

多難登臨易感傷天教薄暝黯重陽雁鴻零落猶成列雞犬
平安豈待禳小市祇工桑醉酒開官久已棗爲糧折莢試問
諸昆弟猶勝登高各異鄉

黃梨洲遺硯爲施擁百賦

摩娑片石弔南雷眼見家邦裂四維瘞井函深餘淚墨畫沙
筆勁想神錐書詞牘背親何在賣卜橋頭事更悲此恨萬牛
誠莫挽寸田那復計成虧

輓耿貞女

并序

貞女耿氏秀水吳孝廉聘妻吳沒京師女聞以貞自
誓素服者三載以疾卒時庚辰六月旣望之夕也後

五日奇香發於殯非檀非荷莫可方擬初女嘗以鍼
翫助晉振又嘗施諸貧婦衣死之日有泣拜其門者
張君欣木以其父徵詩啟見示爲賦輓詞三章

星隕傷靈匹霜寒殺女貞一宵無賴月三載可憐春地下雙
珠合人閒白璧純跨鸞方恨晚薤唱漫傷神

絕代嬋娟子鄉閭夙見推柔嘉著韶齷任俠過鬚眉鬻繡
鄰匱捐襦活里婺一朝聞怛化何止所親悲

僥倖南山梓獲爲神女棺容衣閤冰雪遺烈逆梅檀去想蓮
宗證歸疑蕊佩珊珊靈徵應迭見墓草產芝蘭

吳北圻

原名爾康號秋陸
修子海鹽諸生

許進祥曰秋陸承思亭先生家學於夕桀重
差之術尤精析同里李王叔善蘭師事之

讀疇人書有感示李王叔

馮濟匯一壑雅志託算術中西有派別圍徑窮密律當其獨
到處有如暗得日三統探漢法餘者難具悉余方好茲學心
志最專壹常恐費精神一藝未可畢紛紛浮世人視若捷徑
逸偶然得富貴游談遂橫溢聖賢日以遠夷狄安可黜吾子
瓊瑋姿此事終傑出安身亮有在松柏萬年實

吳武曾

字雲嶠海鹽諸生
管抱璞居詩稿

李維焜序略先生少遊四方名勝所在流連曠詠自寫
懷抱好交賢豪與論古今得失之原故其詩感慨悲歌
有幽燕俠士氣象

瓜步舟次

擁被夜橫舟寒風滿舵樓可憐瓜步月祇爲照離愁
沙磧潮初退蘆花拂水涼雁聲聞極浦爭說不思鄉

到家

山色窺城一笑逢柴門雞犬柳陰中東風與我如相約吹得
桃花爾許紅

臥龍岡

一徑入幽寂松竹合無縫滿地綠陰流衣上松花重重積
翠中涼意四圍送滿路清風生茶花香一闋

馬又錢

字桂堂石門廩生

春日旅懷

連朝風雨逼疏櫺無奈澆愁酒易醒差幸松蘿有瓜葛劇憐
萍梗久飄零瀝殘熱血心仍赤味到寒酸眼孰青回首故園
春到處鶯鶯燕語不堪聽

胡祖彝

字秉生號雨帆石門增生
簪材不材室吟草二卷

觀家蓮棠兄所藏陳鳴遠沙捏雙桃酒杯二十韻示快

士

昔聞蟠桃核五寸世無偶又聞女媧氏黃土搏以手二者耳
食熟蓄眼詎曾有人工奪天巧勦始得陳寔捏沙作酒杯似
桃實初取其一中空虛其一半平剖離離絳織核隱隱通交
紐腰綴小實一嫩葉觸吾肘舉杯斟酌之彼挹此更受螳浮
良可愛鯨吸亦耐久聲名並龔時輝映在先後是日出傳翫
嘖嘖眾竇口張銅與黃錫微物共不朽迂儒能腐談塊獨稱
否否緬惟先王代四民職自守志防玩物喪誅從奇技首奈
何今之人射利巧相誘已復荒爾笑旣往聖不咎請歸主人
篋什襲俾長壽勿學居鄒翁一撞碎雙斗

錢

椒

原名信梓字澗菴平湖人著數峯草堂詩集

家傳略公品詣高雅曾捐資建李介節先生祠集同人
春秋致祭并補刊其遺詩才名藉甚結紅藕花館吟社

相與俱利者
恆數十人

遺興

柴門閉蒼翠古木森以肅山黛展春痕
霽影濛濛綠時聞松籟鳴樵唱雜空谷
礪路寂無人斜陽在杉屋

王盡臣

字秋船平湖人著
話兩山房詩集

秋夜南湖泛舟

昔人常秉燭我亦愛宵游況有南湖月如何不泛舟
水流雙鳥夢露洗一天秋欲訪靈鼈迹磯邊問野鷗

金

集 字鳳坡桐鄉人
著梧岡餘藁

桐溪詩述鳳坡少不得志于有司晚年僑居嘉定之羅溪著有梧岡藁頗多秀語

過老竹嶺遇雪

四面凍雲合千山寒玉飛鴉歸人過嶺風勁雪霑衣去去關

河隔行行道路非雞聲何處是夜半款柴扉

沈

沈

字厚甫號樸齋桐鄉人官詹事府主簿著桐蔭草廬詩

孫瀛曰樸齋少歲豐才親知交譽苦吟工病遂爾無年昌谷歐心可爲太息

看月

寒月淡於水暮鴉嘯過橋佳人在千里腸斷一聲簫

姚

衡

字雪逸歸安人官江西建昌府同知著寒秀草堂詩存

上巳

上巳韶光促睢陽興尙賒雲含留客雨春滯使星車誰門階
前草空薰陌上花蘭亭遺繭紙何事強塗鴉

光州試院作

中原形勝入吟鞭行到弦黃意惘然地鮮麴塵連楚塞寒生
梅雨入南天枕江偏觸河魚疾近竹欣多煮筍綠如此風光

能倦客故園應擲買山錢

過宏思寺

曲路盤紆處巍峩出梵宮
高松留晚翠殘杙綴深紅
清磬鈴和香鑪曉霧重
僧寮門未啟何處覓生公

卽景

日日溪山送畫橈
初冬風物思迢迢
水因東下流爭疾
樹入南來葉不凋
墟市人歸喧渡艇
寺樓雲擁失僧寮
天儲奇勝酬貧薄
清福多應未易消

廣州感興

卅年不踏廣州塵
重到爭驚歲月新
鴻雪難尋前度蹟
葑洲猶憶往時春
長教白眼憎游客
差喜青山識故人
望處榕陰看愈好
紛紛松桂盡成薪

年來生事太荒唐短鬢蕭騷漸著霜久已穆生忘設醴漫從
陸賈問歸裝賦因儉腹無鸚鵡寒憶輕裘典鷓鴣世事浮雲
成頃刻長嫌無計續黃梁

陳文楨

字翼士鄞縣貢官富陽
訓導著一覽樓詩彙

孫詒經傳略翼士性友愛與兄同樂二十餘
年間門投徒必先禮教及秉鐸富春亦如之

旅夜書懷

風雨逼深宵孤燈人寂寥幾回敲敗葉餘響到林梢敲枕潮
聲急當窗燭影搖煩音聽不盡漏盡又明朝

陳

沅

字崑水號芷谷鄞諸
生箸臥雲樓詩彙

徐時棟傳略沅父謀賈於外叔某故賴謀成立而性凶
悍嘗謀毒沅沅不與校惟以誠感之卒無恙某死殯葬
如禮侍母疾衣不解帶者數月謀老病飯必沅親執匕
箸女弟夫爲沅主市列乾沒三千餘金女弟計其直以
歸沅不受曰吾取汝汝何以生道光閒海疆多事里無
賴入人家志所取將及陳氏眾曰陳先生長者也不可

犯皆散走年
七十一卒

塞下曲四首 錄二

局促羶車夢易醒
高天寒露夜冥冥
家園柳亦應搖落
玉笛吹殘不忍聽

朔風秋捲鐵衣寒
人到龍城未解鞍
木葉山頭一片月
停車猶作故鄉看

葉

煥

字春陽號譜山慈谿人官刑部

吳德旋撰墓志略君少爲古今體詩兼通厥祿之術性
伉爽與人交以直諫自許遠近義舉咸爲之倡官刑部
謝獄持平八閩月告歸歿後古詩盡佚僅存今體一
册其詩緒密詞瞻頗似許丁卯灑脫處又近香山
錢拭序略譜山親家少穎異讀書目十行下所爲詩斐
然而深肫然以擊在刑部多所平反每上譴于奏小覲
少寇少寇嘉焉五十生日製文爲視屬余弟林書
之并親爲君序其詩今屏幅尙存而序不可得矣

題湯三耶溪悵別圖

杏子衫輕怯早秋烏篷滿載別離愁西風肯爲吹愁去吹到
維揚第幾樓

有感

雁自去兮燕自來百花亭上響春雷當風柳重新霑雨到曉
鑪溫尚有灰鼠本惱人還忌器酒因困我早辭杯羊腸前路
休云險世路艱難出異材

十載流離馬首東看山多在夕陽中心應似鏡長磨洗事莫
如棋苦戰攻詩社待開春酒綠兒書勤課夜鐙紅如何此境
輕拋棄獨上危樓怨兩風

道是更深睡正濃一聲鐘破夢惺惺知薑味是由來辣問竹
心何到老空溪訝橫流沿路白酒慙過量上顛紅苾鞋本爲
尋山具陰雨春寒興亦窮

題陳巾山萬里歸葬記後

巾山名景沛宇雨亭鎮海諸生父客死靈山弟往扶柩亦

卒奉母越二十年棄養後始創匭東粵覓遍北門義冢見碑塗灰記者多不可辨閱三日有顏君某素所未識哀其至孝同為尋訪仍得於灰碑中殆神助也

悵望南交厯歲時親喪未返枉為兒高堂有母難輕去予季無年益遠悲今日孤零空灑涕亂墳悽愴一尋碑艱難畢竟能歸骨孝友從來天地知

厲得鵬

字圖南號四庵定海廩生箸鵞

緝雅堂詩話圖南存滄洲逸志四卷景陽詩逸一卷襍著一卷抱養堂隨筆四卷代璧類鈔三卷噓錄六卷食破硯齋襍錄十卷一孤泉譜一卷古今體辨一卷問雞錄三卷並箸錄定海廳志藝文

別蓉人還家卻寄

手種寒梅雪滿枝幾經鄉夢費尋思歸來細數殘花朵似我臨行始放時

題藤舍壁

百年在眉睫尺土寄衡茅我亦座中客是爲幕上巢貧家無
稔歲末路見真交欲問王官谷何由解繫匏

藤舍前襍蒔花木數本各成一律

自依元亮宅不入亞夫營風雨歷年久婆娑古態生先春懷
綠意垂老有柔情披拂莫辭苦流陰覆路清

老柳

如綫落紅英麻姑試爪輕憐予青鬢改讓汝紫薇名夕照新
枝豔西風老骨撐世多皮相士獨對久忘情

紫薇一名怕癢樹歲久則皮解

僅存如碩果剝盡世無情幸入生兒夢能全去婦名赤心終
自喜白髮待仙成九烈垂涎久何時一薦誠

棗

橘橘無人識垂垂墮地輕暮年充禹貢澆俗被奴名快意侯
千戶回頭弈一枰何如化枳實入藥濟蒼生

橘

卽目

仄徑低回試乍晴
驚心山鳥引雛鳴
采蘭未補南陔什
忍見
護花滿地生

題駭谷白華詩集

約縑步香塵
纖纖一鉤月
苦納重臺履
迴舞防一蹙
姑射有神人去來
飄以忽
睇視足如霜
不著錦
鞞

過秦製餘論
不如揭竿起
劉項實兩雄
入關分秦否
玉斗碎
何惜功狗烹
則已三傑賊
一范勢固有勝理

混茫劫結繩
機智已先伏
何待倉史生
山鬼知夜哭
滄意趨
澆散遞降卒
難復斯邈去
古遠行草又滿日

之子昔來遊
期我山之陽
掬水弄明月
灑濯毛髮
涼張毅薄
單豹一出無
由藏
在山泉水清
去作河流黃

側柏

側柏有直性，檉柳無勁枝。體柔比附多，孤幹失所依。檉柳語側柏，何不隨時宜。

憶蓉鏡樓

自分西河有夙因，養疴閉戶歲兼旬。雪中掃榻來迎我，花底含毫賦送春。阮籍壚頭忘有婦，龐公家裏不爲賓。憶從破鏡飛天上，誰覓芙蓉館主人。

雁行聲斷雉朝飛，又泣慈烏對落暉。

余喪弟喪妻，今又失恃。

守困每思

人見憶論交，多似鳥知幾。能憐消瘦無如鏡，同話寒溫勝解衣。可歎一簾明月影，夜深移照鶴來歸。

題川字廊壁

牛宮豚圈與雞栖，一分房自品題記。否廿年場屋裏風簷。

如許打頭低

誌感

保息首慈幼其終日安富不聞貧兒肥坐令富者瘦吾鄉海
島中土瘠艱婚媾盛年始見子生恐不得壽腓字過牛羊鷗
鷗自翼覆誰肯致鵠卵擲與越雞伏前賢百廢舉斯舉固所
後勗始卽有名其澤貴下究因食苦未腴此閒覬俎豆科斂
竭脂膏詭麗施堂構罰贖及無辜威脅窘莫首假以樂輸名
聞者掩耳走誓不充官囊餘罪姑從宥得無儲委積竟飽食
人獸造端法旣涼流弊顏孔厚恣慾快蠹胥遺禍播中菁夙
與射鳥私不煩於菟穀楊花落爲萍同器雜薰蕕時舍己芸
人田安得賢保姆豕畜多失教無賴流爲寇種種弊卽消於
邑實贅瘤縱無載道歌奈何使民詬不讀姬公書枉作齊宣

困仁風堂下來一路聞乳臭

偶成

既去不須憶未來不須謀萬古攝生訣一洩天地愁

悼亾

我死會有時行行盍延佇泉路阻且修何地來覓汝朝爲枕
上人暮爲山下土升沈頃刻中時事本如許自爲我家婦蹇
運極趨趨蓼苦梔子辛相與守終窶蠅止玉留玷蟲生木自
腐何論輕賤軀柏舟亦受侮百忍釀成鬼百藥卒無補不作
仲卿妻再拜受天祐惟是藐諸孤忍鼻他人撫天地有盡期
此恨無今古

譽之嫌涉私毀之理則那毀譽兩置之但覺淚如河人生不
得志夷易皆轆軻惟我同子苦惟子知我多良由貧賤故中

道致偏頗幽明如一轍伶俜當如何

唐火積薪下舉家寢其上焦思迄終夜惟子見我狀甘言強
相慰入耳鬱不暢移怒時及汝我固自知矣吾女以是殤吾
弟以是喪吾生得天幸獨不先汝葬汝死其命與汝生亦何
望

汪

琰字穀庵號芙生山陰布衣著隨山館詩文集

緝雅堂詩話穀庵懷抱貞素從其先世游粵遂家廣州
日閱甲乙二部書均有常課丹黃交下迄老未休文詩
高籥淡雅宛如其人尤工填詞神似石帚性喜獎掖後
進又好推解盧敏肅公後裔無依賴之十數年嘗嘗有
無間子一卷自言所志今春甫歿未得全集僅從知好
絜扇中采得數首又一首許生姓祥從他處錄來者亟
登補遺冊內以存其人

鳴鶴篇贈梁節齋

雲中有黃鶴逸翮何翩翩高飛入崑閩僊伯相周旋朝飲瑤

池側夕巢珠樹顛感激思一鳴振迅忘自全奇羽雖已鍛明
心終不誓因之招白雲借以歸青田世競友鷓鴣云胡效鷹
鷁當時各有爲去聲後世知誰賢參差昆侖舞渺邈浮邱僊謝
彼青冥契養茲丹頂年此時滄海月幾許齊州煙消搖萬里
遊天宇方廓然

宋孝子

孝子名壽昌字子容杭州人道光初其父官雲南納妾生三歲而孤嫡母攜之歸留其生母於

滇咸豐丁巳聞人言生母猶在乃決意往尋一日忽棄妻子去所親遣人追之不及比聞已抵雲南矣

不暇憐妻子何心計死生卅年雙淚盡萬里一身行金馬秋
無際慈烏夜有聲白頭應好在相見涕縱橫

廣州七夕

金迷紙醉影交加伯玉盤中許並誇兒女從來工想像神仙
何處著鉛華一輪樣借姮娥月四照光分帝子花料得黃姑

才調好催妝詩就倚靈槎

苦熱二首

地紀嗟卑溼天時苦鬱蒸誰能逃畏景直擬躡層冰荃葛衣
猶重蒲葵力不勝臨餐媿田父流汗事溝塍

向晚人彌倦將秋暑轉加南風不成雨西日更蒸霞石榻餘
藤簟盆池欠藕花招涼竟無策聊恃一甌茶

夢游仙詩

幾許金銀夜築臺五雲閣暗列眞來琅嬛卷軸紛難理玉女
窗扉闕不開遙指青紅多海氣解談黃白卽袖才曼都未讀
壩城錄已飽浮霞液一杯

余

崧字凝甫會稽虞生

孫德祖曰不肯始就傳先大夫卽禮聘先生授經家塾境極困然處之泰然有疑于非養者一介不取中年喪

偶不復聚館穀所入必分之諸弟饒無儲粟晏如也歲晚先大夫嘗繼粟肉然非親致之猶弗受焉

小除日喜虛舟孫君見過述懷有作

席帽塵黃鬢欲皤蠶魚生計問如何苦心老尙耽文字落齒新來廢獻歌擬爲他生修慧業從無綺語染詩魔多君風誼仍懷舊雨雪衡門載酒過

鍾

蘭字紉香號息巢會稽人候選縣丞

緝雅堂詩話君家世業釀有名都下所謂湧金樓者也君弱冠卽歲一至京盡交海內名士妙解琴理續事最擅山水生平迹半天下所覽名勝爲多故能結撰雄奇非凡手所及意之所到花鳥竹石皆有天趣圍碁亦入能品孫致論德祖其女夫也爲作畫像贊極稱其胷懷之夷曠每一披覽覺魏晉諸賢去人不遠也

贈謝方齋侍御

榮棗

三十年來京洛塵白頭還臥鏡湖春舊遊記得多冠蓋屈指林泉今幾人

自題畫梅立軸

雪霽庭空月影斜，老梅開到老逋家。
魏徵嫵媚今誰見，爲拂生綃寫此花。

自題秋江獨釣圖

蓼岸風來吹釣絲，江鄉寫出更題詩。
老夫自覓消閒法，不用人呼老畫師。

作竹裏館圖贈女夫孫寄龕時辛酉九月方偕長女奉
母避寇余家掃榻居之

心遠由來地自偏，館甥新闢屋三椽。
爲君閒展王維集，笑染濃青畫輞川。

萬个蕭森暗綠陰，宵深應有老龍吟。
憑君試作公和獻，靈鵲

無聲月滿琴。

余手撫古琴爲趙王孫故物鳳池靈鵲二篆松雪所自署也

駱

炎

字則宣，謫暨廩貢官，象山縣訓導，著楓山詩集。

探梅

芳訊園丁報有期，探幽驢背緩吟詩。
春生隔岸吹香候，客待巡檐索笑時。
流水板橋通仄徑，夕陽葦屋隱疏籬。
此中不讓孤山勝，來鶴軒前感舊枝。

諸如綬

字醜泉，餘姚廩貢官，建陶濬宣日君少孤，力學喜談經世務，客游族子以謙，陝州牧署會教匪騷擾州官出援，盧氏賊謀知州城虛兼

程進犯君集議造軍器募丁壯，籍難民嬰城固守，旋以巨礮斃其前鋒，凡七晝夜不就枕，危城獲全，大吏欲上其事，力辭歸以校官終老，其功成不居，如此詩亦質秀詞溫，氣格清正。

十月十七日放翁生日，同人祀於斷山寺之南樓，賦此。

紀事

正值東南倡學初，生平喜讀晦翁書。
茶山而外都稱友，提舉

之言恍起予百里寄題詩置袖九原不作淚濺裾

公祭朱子文有捐百

身起九原之句

要知問學傳薪火文苑文人歎孰如

金

兼字鎔五號師孟天台諸生

秋宵旅感

旅館愁無緒思鄉眠未安秋聲催葉落月影照霜寒世事方圓台人情冷暖看何當賦歸去料理一漁竿

章

淳字魯庵太平歲貢

雅興遇雨

涼雨一天來千山暝色催蟬聲烏柏樹屐響白雲堆樵徑穿松磴山廚瀹茗杯漫將持蓋返聊爾坐經臺

懷黃壺舟先生出塞

弟昆唱和宦遊時彭澤歸來鬢已絲新註一篇傳夏正

先生註夏正

小正多
駁舊傳長途萬里記車師，羈身毳帳飛霜早。回首蕭關落日遲，絕塞功名原夢幻。不堪寥落一題詩。

楊

鷺

字香生太
平歲貢

林芾棠序略同邑楊香生與章魯庵
諸人各喜爲詩講學之暇吟咏不輟

秋日遊雅興

晴雲渡水作輕陰，綠翦莓苔一徑深。客屐隔花村犬吠，僧庵閣雨粥魚沈。游山未敢陪靈運，入座奚緣訪道林。拂面松風極瀟灑，歸途催送暮蟬吟。

和黃壺舟

滌

贈同社原韻

玉關西入髮星星，湖海年來泛梗萍。栗里竟歸彭澤宰，草堂未負北山靈。宦囊萬里攜吟管，客館三更敞畫櫺。容我談詩驚滿座，鄰光分照一鐙青。

新折蘭軒寶錄補遺

卷五

楊鷺 郭象履 楊廷爾 林甫光

三

郭象履

字坦齋金華附貢

重謁泮宮書懷

賢門還復仰櫺星魯國歌詩又肅聽後輩要當如我老一衿
敢污舊時青著書未就休頽放壽世難言愧典型六十年前
瞻禮處今朝扶杖喜重經

楊庭蘭

字染塘湯谿諸生著五松山人詩草二卷

適野

篇翰窮日夕不知今何時微風從天來引我出書帷晴郊一
以眺落木餘枯枝谿流水欲盡白石淩清漪濛濛岫雲生巉
巖峭壁奇撫化正忘倦真想忽在斯野老日荷鋤此意當誰
知

林用光

字輯甫號若衣培厚孫瑞安人官安徵祁門知縣善墨緣室秋容閣集

家傳略用光以江南句容丞起家歷宰安徽蒙城祁門
所至有政聲後爲人所中罷官配項氏能詩著有脂學
樓集

高小槎招集湖舫疊前韻

扁舟盪空碧欸乃櫓紋圓嵐氣濃含樹湖光靜拍天詩超長
慶體懷暢永和賢交誼深如許萍蓬豈偶然

聞曹孟明先生惜高君伯平遊韜光有詩見示依韻卻
寄

海氣混江壖遙看旭日圓
篔簹泉清漱雪松蓋綠摩天
覽盡三千界吟成四十賢
從遊憐未得傑構想超然

寶劍贈諸葛榴生

出匣睽金精堅剛百鍊成
氣干牛斗上神濯雪霜清
豈止萬人敵能教諸事平
風塵今得主努力事功名

同治庚午年...

三

六八

途中與孫琴西衣言別

春風羨爾老萊衣我亦南行未獨歸
歧路那禁分袂去微官自悔讀書遲
放翁亭上清樽集短簿祠前過客稀
自是淺才甘瓠落鄉心惟逐白雲飛

朱鳳輝

字開祥號古巢又號覽堂平陽歲貢

題福鼎林初秋孝廉搖嶽凌滄圖

山蒼蒼海茫茫排山倒海驚詩狂
東瞻泰岱南衡湘氣象萬千羅
兩旁舊聞謫仙一枝筆千載誰與相
頡頏紛紛俗手作狡獪虬蟬撼樹安
知量吾友初秋夙負異屢上燕臺不
得意北溟從看縱壑魚南天猶戰垂雲
翅擊壺催鉢常酣歌挂腹撐腸惟文字
長年著述等鬪身未知造物將焉置
次山吳子妙丹青感君興趣貌生平
一邱一壑安足道搖嶽凌滄如有

神但見峻崖深谷軒豁奔騰雲中髣髴騎鶴謫仙人劃然長
嘯響振林木波濤驚手把芙蓉招我游太清男兒意氣獨來
還獨往一掃胸中芥蒂有名與無名

張

嶙

字翰公號鯁鄉鄞人道光戊戌進士官直隸南宮知縣

陳勤傳略鯁鄉性剛介在直隸毀魏奄及無生老母像嚴懲奸宄盜風爲熄南宮號難治下車數月理積案數百無所枉撓咸服其決

緝雅堂詩話魏奄氣張時詔附日眾生祠徧海內姓名可攷見者詳竹垞集中因依刑餘之人以致通顯傳之後世唾罵無已亦奚爲哉鯁鄉能毀其象有關風教余故亟表出之

任烈婦詩

鬱鬱獅山松娟娟獅山竹嗟哉任烈婦於此埋冰玉憶昔出
嫁時年纔逾十六婉婉事瞽夫天爲明雙目何期丁不造戾
我殊太酷既喪尊章慈旋奪伉儷篤婦也明大義不敢徇溝

瀆忍死留吾身爲夫求式穀似也乃非人狼貪覬我蓄飛飛
鳩鳥媒白璧云可驚計日七香車喧闐來茆屋亦知不能免
鎮之以靜穆若爲未聞者暗垂淚簌簌何以慰良人有死身
不辱復冀入黃泉靈魂得追逐閉門對孤鏡苦咽滷可服天
空聞笙歌迎之歸仙錄嗚呼柏舟操千古仰芳躅從容赴黃
泉如婦洵所獨至今梅陽山同穴名香谷時有雙鴛鴦飛上
韓憑木

金肇洛

原名汝礪字雲卿號若鉗仁和人
道光庚子進士官山東督糧道

樊芝生曰君由翰林入御史臺用道府攝直隸通永道
移山東糧儲署臬篆歷充庚戌會試癸卯順天同考官
吳江沈文定公中州袁文誠公皆出其門得士稱盛

經廢寺卽目寄感

爲問何年蘭若開殘碑無字臥蒼苔眼前頑石秋煙裏可有

生公說法來

吳

璇

字子薑新城人道光庚子

家傳略公天性孝友少貧筆耕養親先意承志弟有癩疾調護周至長益嗜學嘗夜讀戶外有聲啾啾公叱曰若輩果有冤白我當為昭雪否則毋溷我自是寂然又嘗道出有邨人遮留止宿執禮甚恭訝之以實告曰弱息遇崇夢先人謂吳君經此當解果相安竟夕歷署從化陽春鶴山令所至有惠政時比之召父杜母補增城知縣引疾歸光緒丙戌重游泮水卒年八十有三

甲辰計偕山東道中憶母

出門惘惘忽兼旬遙憶庭萱輒愴神本為飢寒謀祿養轉愁薪米累慈親龍鍾老景防加劇烏哺私情愧未伸手綫身衣遊子淚征途何日不沾巾

馬慕蘭

字業卿號藍橋仁和人道光

鍾駿馨序略藍橋著有橫溪十二詠徧徵名人和之為鄉里光今往矣讀其詩文采斐然殆所謂地靈人傑與

橫山十二詠 錄二

怪石危松外，翛然自在游。碧山羣影度，紅樹一聲秋。樂意閒

相得，雲光淡不收。何如雙翮健，同向上林投。

橫山白鳥

百尺危峯上，微茫一抹閒。瑤臺今夜月，玉女舊游山。松影棟

不動，梅花清更閒。有人頻眺望，展漫登攀。

麓峯積雪

戴咸弼

字麓峯嘉善人，道光癸卯舉人，官溫州教授。著《且歐小隱詩集》十卷。

家傳略咸弼幼穎異十歲即喜博覽大父試以太史公報任少卿書甫七過即背誦無訛咸豐辛酉平陽會匪之亂屯聚瑞安咸弼偕同城官紳策守城方略卒保危城壬戌春餘孽句西匪圖復仇防禦出擊殺賊甚多時浙東糜爛賊欲窺閩以是不敢近飛雲江一步論者歸功於瑞安城守之力云著有《東甌金石志》十二卷孫德祖曰教授母濮太恭人年十七而寡遺腹生教授苦節撫孤守節至七十年光緒丙戌余及教授同在甬守胡練溪先生幕乞余為表墓之文再拜致辭猶涕泗交下太恭人之喪教授年已七十子是既終喪矣終身以慕所未嘗見且齒長于余倍為親屈體亦難能也

緝雅堂詩話麓峯所撰東國金石志創彙十年采輯已
富孫仲容孝廉復加考訂遂得成書可與括蒼志並
稱鉅製凡例稱續彙采及前明碑
刻歐公舊記已詳五代本可法也

奇功歌

并序

甲寅十二月十八日立春樂清土寇虹橋人瞿振漢
陷縣城邑令遁去協鎮張典史趙皆遇害眾至千人
將取溫州府永嘉盜數百人謀應之與剋期先一日
有閩人出自首得擒其渠四人誅之事遂定磐石爲
巡司分防之所有石城賊分兵攻之都司某先從賊
後反正越六日士民同力出賊不意殺賊殆盡遂收
復縣城府中部署兵勇尙未到也

冬十二月歲闕逢立春之日初曉鐘朝噉欲上光熊熊虹橋
賊起倉猝中三百餘人勢洶洶持械入城頭裹紅文武被戕

如屠龍爲援爲鶴爲沙蟲么麼小醜逞英雄開倉劫庫財帛
充蜂屯蟻聚天夢夢欃槍直指東甌東危哉郡城內聚訂大
吏坐鎮何從容閉門大索殲羣兇屹然鞏固成金墉賊氛擁
眾傳狼烽分攻磐石當要衝烈士義憤填膺潛與都閫謀
合縱徑路欲絕風雲通旌旗變色壁壘空士民突起環而攻
大呼殺賊干聲同霹靂應手妖潛蹤手戮渠魁縱脅從一洗
鯨鮪滌鯉風天地爲之開昏蒙嗚呼大江南北苦寇戎

命將出師勞

九重兵戈滿地告鞠訥何時奏凱甘泉宮寄語大帥休養癯
君不見樂清七日成奇功

雜感

我有雙明璫佩以綺組綸解之持贈君反遭按劍顯宋人得

燕石製以青緹巾藏爲篋中寶用爲席上珍盈廷多附和孰辨
贗與真韜此照乘光慎勿混風塵

二忠詩

辛酉秋平陽會匪滋事擾及瑞安張生獻之

家珍集

義民數萬禦之殺賊數千卒以遇伏被執死之

伏莽無端起寇戎書生仗義亦英雄援軍幾見千人掃

時安

諸軍皆擁兵不戰

養士能收百戰功白首鬚銜溫序劍青山骨化時

侯銅孤忠合配徐忠訓

宋宣和間睦寇方臘犯境義勇鄉義民徐震率眾戰死事聞贈忠訓郎

浩氣長留叱咤風

壬戌春赭寇入境孫生稷民

貽穀

率團練赴敵沒于

陳

終軍年少請長纓

生年二十五

鋒鏑紛紛苦戰爭甯學張巡爲厲

鬼後張君三

恥從魯國作諸生魂歸井里家何在

故居被會匪焚燬

怒挾江潮恨未平世受

君恩能不負

生爲琴西太守長君葉田學士之姪

臨危莫道此身輕

余旣弔張孫兩君爲安固二忠詩徵同人題詠胡棣甫

廣文復以辭茂才吳武科二君一赴水死一負母救

賊亦死大節凜然爲四忠詩見示並屬補題二章

手無利劍斬黃巾甘赴清流葬此身隴上輟耕多劇盜草闢

求活愧斯人懷沙賦罷音何怨止水亭高蹟未湮誓不俱生

甯獨死千秋姓氏勒貞珉

忽驚貔虎走山中力挽君家兩石弓負母猶能誅逆賊

君出

塗遇賊手刃數人賊引刃刺之母子俱死

灰身恨未建奇功卵巢從古無完局忠

孝於今亦兩窮

國步尙艱家已毀英靈餘慟滿甌東

鈕承筠

字竹君烏程人道光癸卯舉人官甘肅分水知縣

隴右從軍

關隴屬邊邑回紇曾猖狂
征人越萬里殺氣凌嚴霜
衽席火爲暖鬚眉冰作漿
虎牢驅車下頑石不可當
日暮登六盤風雪蔽蒼蒼
徒步踏沙磧欲濟川無梁
中州風土美西郊道路長
流波盡鳴咽上坂皆羊腸
平生曉禮義慷慨輕去鄉
戎馬亦易與誓欲探虎狼
儒生守章句何以靖邊防

沙磧魚

肥不嗜駝峯豕鮮不取銀絲鱠
淇河有魚咫尺長來自靖遠
沙磧地風濤曳尾短且促雪浪舉頭小而銳
幡然大腹生其中排風衝浪擁湍瀨
漁翁設網更提綱夏秋霖雨漲水大眾

麟騰出會有時新秋夕餐味爲最和以醯醢用酸鹹芼以筍
蒲作甘脆徐州禿尾嘗未美漢陰縮項食不快魚鰕本自南
方產此邦珍重不易致去年中秋陳几筵座內曾借靖遠尉
今茲嘗新正及時卻當七月先供飼星移物換思惘然轉盼
秋風猶堪記麟脯龍鮓何足誇但得嘉魚協素志

寶刀歌爲張綺村太守賦

吐蕃鐵冶華夏無良工鍛成世所須太守乞歸自哈密開囊
拔鞘雙枝俱銳鋒圓鐔並珍異致之遠道良非誣白刃皚皚
渾吐月青鑱黯黯恍含珠鏤作輕雲尙紉縵錯爲浮藻尤紆
徐奚用鸚膏煩磨瑩自然犀利無齟齬豐城劍氣一揮手回
紇不敢窺邊隅萬辟干灌功乃就貯之囊橐備不虞濟水應
持擊鴻雁奔陸還藉驅狻狙觀君指麾三尺影羨君善保七

尺軀

魏士龍

字芸閣錢塘人
道光甲辰解元

鍾駿聲傳略芸閣鍾意於經史七經多所箋註爲文悞
抵案深經指授者無不得氣以去如魏條期農部黃清
園廉訪馮文介學使其最善也待人無賢愚皆盡其誠
家無擔石而周郵貧交不遺餘力性好酒客至輒飲之

清明日游雲鵑桃花盛開爲賦一律

一徑雲深處春桃徧發花小橋紅板路返照赤城霞竹密何
嫌隔林陰不礙遮倘能招我醉沽酒又誰家

雪後登獨山遠眺

朗朗山如玉行行雪幾重金鼇明霽色

獨山一名鼇峯

銀海炫嵐容

月冷摩厓鶴煙寒古寺松老僧歸未得拄杖聽鳴鐘

鈕福海

字季蘇烏程人道光丙午舉人官
戶部主事在籍殉難贈知府

陸心源傳略君爲人外和易而內狷介不與人忤亦不
妄與人交尤以干進爲恥在戶部數年足不履要人之

門及謁告歸里同治元年湖城圍急主者縱兵抄掠士大夫多爲所苦君曰外患日逼內亂復作城在旦夕耳吾雖家居王官也不可以辱賊手遂服毒死

中秋方學博招集玻璃泉翫月

泉脈山腹藏迸出驪龍口清澈鑿鬚眉煮茶汲罌甌攀蘿臨巖巖凌空石壁陡俯瞰泗州城盡被波臣有可憐民其魚臨流低徊久月出映波心翫賞酌大斗酣歌驚山靈良會洵非偶題詩繼米顛千載期不朽

仲秋下澣張明府招同錢中翰顧侍御小集慧力寺分

韻得歌字二首

南唐古寺數經過秋晚重遊縱嘯歌竹徑深深籠日影松林隱隱逗江波分箋覓句吟情健載酒飛觴逸興多不是使君能好事眼前風景已蹉跎

浪遊倦客病新瘥雅集招邀共醉暇
愁到深時拌縱飲情常快處且高歌
隔江樹影參差合入座山光變幻多
勝地難逢賢地主況兼秋爽正晴和

陳

澗

字遷補蕭山人道光丙午舉人習澗齋詩集

周星譽序略先生少英敏博覽羣籍尤長于輿地河渠
兵制算法鹽法漕政慨然有經世之志屢試不第絕意
進取築小園于北幹山之南奉母讀書爲樂與余訂交
下蘭渚之天章寺酒酣擊案論天下大計奮髯張目氣
勃勃不可遏嘗曰時事方亟非士夫優游
文謙之日其言沈痛惜乎傳者僅此也
李慈銘曰澗齋詩取裁杜韓閒入騷選晚
感事變所詣益工彷彿北征諸將之作

中夜

漢影落簷際幽人獨往還夜涼真似水煙淡欲無山
寂寞杯重把淒清月一灣苦吟方未就忘卻下柴關

滄浪亭

春水綠無際小亭花正開長纓向誰請且復濯塵埃風細柳
絲亂日斜漁笛來從茲五湖權時艤兩三回

寒夜

月出漏已沈雪霽風更猛窗櫺延薄籟庭竹耿疏影撫時增
百慮長吟雜悲哽且復歸去來巖棲講元牝

八月十七日集蘭渚山天章寺會者十九人以羣賢畢
至少長咸集此地有崇山峻嶺茂林脩竹爲韻分得

至字

海宇漸雲擾晨夕驚烽燧壯志亮未酬鉛刀悔輕試時方董
多掣 肘忽蒙同懷人邀我修禊事弭擢泊蘭渚秋山饒積翠林
際雲尚屯草根露猶漬徒倚望中流軒蓋已紛至董 鑪許假
我振策竦輕轡緣溪窮灤洄秋禾方含穗到門尋舊址遺構

賸無幾壞道翳蓬蒿枯池倒荷艾豐碑尙屹立卒讀欲流淚
緬昔熙隆中

六龍屢臨滙經營循舊規佈置出新意

翠華時一巡山川各輝媚如何俯仰閒今昔倏殊致急湍聲
激昂似訴不平志秋風振林薄草樹亦顛顛慨彼東晉初胡
星墮燕地戎馬滿中原衣冠率南避江左有夷吾偏安逮叔
季癸丑暮春初觴詠渺難企矧茲大一統貧寡非所計車書
既同途

恩威復遐被奈何潢池兵盜弄竟無忌尺土與一民泄泄忍
輕棄重陰蔽穹窿白日走魑魅赫怒望我

皇責成在長吏忠愛本天生不應賢愚異何地無長才知人
良不易戮力掃欃槍昇平猶可冀賦詩識巖幽竊附庶人議

感事

築室如何可道謀登壇誰與借前籌未始非長策設險
終需扼上流鼻息仰干爭唯唯隳毛漸熱且悠悠自憐豪氣
消除盡極目江皋獨倚樓

連番飛檄急軍需競說民間自樂輸爵賞不靈成鈍置徵求
何術免追呼告民法峻多逃戶免役錢空到市租縱使黃金
高北斗不應竟歲守窮株

夙望曾傳馬伏波建康猶是舊山河一時聽舉思推轂萬騎
雲屯學止戈經歲祇堅持久計何年聽唱凱旋歌東吳稂稻
誅求盡聞說輿臺半綺羅

歷塊雄心未盡改當今誰是出羣才亦知癘疢非爲病聽讞
瘡痍儘可哀世事久經成柄鑿狂言聊復報涓埃重陰漠漠

愁開眼何日雲龍起蟄雷

來

照字桂堂蕭山人道光丁未進士官翰林院庶吉士箸貞松樓文稿小琅玕館詩鈔

望海亭

滔滔大海無歸宿欲考圖經記尾閭萬一風波不可履龍愁

鼉憤足愁子

唐王森

字根石蘭溪人道光丁未進士官至都察院左副都御史

家傳略公幼孝弟而性和平嚴正讀書務為有用之學

未弱冠有聲庠序道光甲午以優行貢成均已亥登鄉

薦入居京師問學益粹通籍後由編修授江南海道監察

御史轉禮科給事中遷通政使司參議歷太常大理寺

少卿擢光祿寺卿轉宗人府府丞遂副御史臺其在諫

垣請崇禮教杜阿比及疏通貢班教職議蠲被兵糧賦

先後疏上皆切實可施行咸豐間

人才公疏薦同郡舉人王玉文諸生李璠其後並以鄉

團禦寇屢摧凶鋒王公文官於潛教諭卒死難吳楚事亟

旨賞二品頂戴署鄂撫公疏言巡撫職在守土就令統兵如

故出境即呼應不靈不如專委以軍事會曾公亦自言

之遂如所議行卒收肅清之效庚申海疆撫局成議撫諸臣敘勞有差公疏言恐外夷嫻笑戰士歎望上深體之光緒丁丑假歸旋以目疾請開缺

不復出辛卯五月卒於家年八十七

海帆中丞通選浙省諸生肄業詒經精舍詩以紀事

節鉞諸州牧文章一代儒詒經脩漢舍課士傍錢湖遴選心何慎陶成意不膚玉先持界尺鐵乃網珊瑚歲紀辰兼已人羅越與吳籠中儲藥備爨下訪桐俱照有虛堂鏡遺無暗室珠授餐加以教味道得其腴腹飽捫邊笥名高播陸廚品借收竹箭汁每罄金壺成數登瀛倍雄詞倒峽逾東西才悉萃南北學奚殊賴有前徽著能垂後起模光風開絳帳徽雪點洪鑪待鼓諸生篋常爲眾說鄂校衡逢月舉寬遜及時敷其此承諄誨因之謹步趨惜陰同龜勉失業凜斯須風雨臺端捷山河筆底驅五花何憲簞于藜路舍蒲飲易窺文象陳書

肅典謨曲臺披蘊奧武庫翦紛蕪衛序筭稽鄭麟編義彙胡
服膺專叔重立論準潛夫短李歌行倡長楊賦體摹齋心庾
子拜叢目丙丁符懿範親羊杜芳型景白蘇鏗然催擊鉢率
爾戒操觚顧我齊竽濫難期楚璞沽龍門翹首處汲古矢良
圖

孫秉元

字雨香富陽人道光己酉拔貢候選州判在籍殉難著龍門山房集

七里瀧弔謝皋羽

西臺亦千古歌罷付誰聽不負延平遇能持屈子醒用本孤傳

心翻汐社慟哭擬秦庭知己留方鳳應同伴客星

龔秉琳

字潤山東陽人道光己酉拔貢官貴州平遠知州著碧玉李館詩

朱一新傳略公舉拔萃科筮仕貴州歷任繁劇時苗教迭起軍書旁午同治元年擬平遠收聞父赴解任會黔中軍務日棘留佐防務遂駐黔西州與士民講求戢守時將玩兵驕匪黨乘機散布甲子十月十六日猝起焚

掠公急率民團巷戰至日昃團民死傷略盡公慨然率

優旨

殘服搏戰死之奉

照三品官陣亡例予騎都尉世職祀昭忠祠諸子奉明

之祀

春感東沈菁士觀察繆仲英世丈

春深邊徼草痕肥堪歎年來事事非君本無家羈萬里我從
何處訪重關紅羊又遇流年劫黃犬不來鄉信稀何日烽煙
消盡淨青山一路泛船歸

錢寶廉

字湘吟嘉善人道光庚戌進士官至刑部侍郎

緝雅堂詩話湘吟前輩由翰林海擢卿貳所歷皆有聲
績及官司寇亭疑於慎多所平反尤以仁恕著稱生平
兼工吟詠顧家無存橐求之經年甫由馮聯棠侍講寄
自都中讀送舅氏詩蕭經絲排側渭陽之誼動乎至性
真風人遺則也

題何蓮舫觀察滄海龍吟圖

蓮舫雅好音律有古琴七
皆宋元時物度置一樓烽

火之後長物盡失惟樓獨存七琴皆無
恙斯亦金徽變化篇中一段佳話也

樽桑日出滄濤紅天風寫入黃鐘宮
鷓鴣雞斂吭鳳皇啞大聲
乃出吟猱中比年風塵苦頽洞妖蛇吐霧昏江東琴心不平
劍膽大囊中匣中吟兩龍一從稍稍靖鉞戟歸來脫劍呼琴
工手拭漉沫剔鱗鬣劫灰未燼餘焦桐危樓一角壤雲瓦黑
蛟不去隨豐隆四十九粒各在壁徽圓軫直無刊礪乃知妙
技與寶物精意所注神則通六丁雷電不敢攬留與中散彈
歸鴻故應歡喜拂絹素自寫落落青霞胸人生聚散如飄蓬
別君七載無郵筒東南蓮葉舊遊處山莊尺五今榛叢熊紅
故都更握手披圖且喜願願豐會當攜同向京闕仙衣雜佩
相雍容洗滌奇氣變清響九天鸞鶴松濤風明年花時應重
見我刺扁舟將過從

送鄧雙坡作郡江西

邕管烽煙近若何江鄉咫尺亦干戈
欲歸我竟無山買此去詩應似水多
閩思定難拋錦字官聲何必在金坡
相思歷歷猶相見遙指豐城識太阿

三哀詩

白日驚風大樹摧長江東去不重回
六千子弟如荼火四時勳名已劫灰
騅馬儵從雲外逝萱花苦向雪中開
鵲鷺動色熊羆哭豈獨綸巾惜將才

魂返孤稜月不圓江籬東閣一悽然
初聞朝列猶相訝卽論風規已可傳
天馬蒲梢湮字迹佛珠舍利記華顛
西風十日成今古不爲蒼生亦淚漣

手把醇醪念此人一杯無分更相親
天生慧業先靈運名士

班行失太真香草滿山疑有淚流鶯昨夜不成春天涯萬口
人琴歎都在清明第二句

送徐詠亭舅氏之官吳中

人生百寒暑能經幾離別一別動十年四十去如瞥甥舅若
曩季穉齒相蛩蟻燈昏復硯尾情境入夢咽去年京洛來素
衣淚痕溼今年向茗雪荆樹駭摧折母氏鮮兄弟門祚懼衰
荼努力加餐飯無爲百憂結

平生壯懷抱少小黔南遊三年滯章門兩載依并州飢來強
驅人欲見嗟無由揮手一何暫去去燕山秋挾瑟歌吳趨仰
視南雲浮江湖盛兵革枳棘愁鋤耨浮名苦相絆蹙著駒負
鞞安得買青山歸臥滄江舟紫荆共環堵相與俱白頭

沈君笠湖以農曹觀政東河同人集極樂寺爲餞卽題

其城南送別圖

海棠如錦照深杯，十笏招提策馬來。與子纏緜成強別，爲時珍重要清才。宏農野水春無渡，苴碭愁雲遠未開。杯土寸金嗟往事，大隄楊柳待重栽。

貴

成字鏡泉杭州駐防道光庚戌繙繹進士官熱河兵備道箸靈石山房詩草

題冠梅西溪漁隱圖

梅花夾溪溪水冷，溪中魚咬梅花影。萬梅花下靜垂竿，時有風吹花滿艇。小艇爲家溪畔居，煙蓑雨笠樂何如。擬攜尊酒尋君醉，倚著梅花看釣魚。

葉福凝

字靜軒錢塘諸生

秋懷

綠綺無聲靜不彈，墨香猶自染毫端。芙蓉露溼楓江冷，橘柚

香濃木葉寒謝女魂消新夢杳沈郎腰損舊圍寬悲秋無限
離羣感一雁孤鳴下蓼灘

張徐鼎

譜名福滄字漱珊錢塘諸生著劫餘吟草

陳昌紳曰漱珊先生少卽好學周旋戚儕以長者稱誘掖子姪多所成就晚年家中落讀畫談禪儻然有塵外致之

辛酉杭城再陷四弟婦姚氏罵賊遇害五弟婦王氏自縊死節克復後檢得遺骸爲葬龍井祖墓側詩以哭之

襟裾臨難或全身浩氣還憑巾箇申白刃如霜羅似雪吾家成就兩完人

殘骸收得骨猶芬爲傍先塋替築墳張氏有人終奠汝不須
鵝血染斜曛

夏拜颺

原名載奎字小橋建謨嗣子錢塘諸生

家傳略拜颺工文善飲慷慨有大志酒酣縱言天下事往往涕泗交下庚申之變憤賊之不遠平也迺遣子寶善從軍而己棄筆參饒軍門廷選幕冀有所補救時洪俞氏子培善殉焉寶善亦歿於陣事聞卹贈如例

凌煙閣

聖主酬功念盡臣凌煙圖畫接楓宸

唐書閣在太極殿之東

一朝廊廟

經綸迹百戰河山櫛沐身房杜從容原獨出鄂裊颯爽更誰
倫雲臺麟閣千秋峙同寫艱難付後人

陳寶善

字楚賢號心蓮錢塘人

詠懷

人心何突兀如山不肯平欲壑期盡遂大海無時盈達人貴
知足利祿非所營人棄我斯取醜夷無競爭詩書當寢饋道

德齊死生此中有至味不爲塵俗擧性澹物無擾心閒慮自
清泉石暢吾目風月怡我情當前卽壺嶠內念無將迎古人
悲已往獨歌誰與賡寄語營營者白日終西傾

陳

熊號雁汀錢塘增生

湯灣道中

兼旬臥病掩雙扉無復閒情到紫微行藥偶然能策杖看花
所得是霑衣百年如寄看蛇盡三徑將蕪有鶴肥莫說老夫
忘世事溪頭早已築漁磯

裘宗瑞

字琴甫號慈山仁和諸生

一雨

沈寥秋氣肅一雨洗塵昏柳影谿邊路雞聲竹裏村無人在
釣渚稚子候柴門雕鶚非常物盤雲託體尊

詹

吉

字勉耘仁
和諸生

養自然齋詩話勉耘力學
詩賦皆有清氣惜早卒

橫山白鳥

白鳥有時去橫山自古今
蒼茫中有路來往兩無心
雲翹影俱失峯環響易沈
願留冰雪質常似在溪林

范

新字雲望仁
和諸生

客中寄杭州往還

故鄉茶筍熟年年自駕春驪久未旋
上巳清明都過盡懷人多在杏花前

武穆英名肅愍忠拜墳曾此過橋東
腰閒雙劍今寥落但有新詩付短筒

高

爵

字子修又字子棻
鳳臺孫仁和諸生

高保康曰從兄天資穎異所作詩文長於使事氣足包舉壯歲隸隸大故遭時多難遂灰心世事尋味藏教宗乘專壹刻厲年未四十抑塞以死嘗注石筍山房併體文惜未卒業身後無子殘藁亦散佚矣

贈沙鑑渠部郎

賈氏三虎偉節最怒馬氏五常白眉最良鸞鷲歸昌非凡羽
餘子落落何足數忽爲二鳥鳴相酬鳴止奚啻三千秋沙子
弱冠才卓犖名動公卿齊屬目思親艱索長安米歸來絹籍
千匹足我悲風木君廢蓼莪井里多故時何坎軻一事差強
君可喜猶鑿寒冰躍雙鯉養志更憐小弱弟日夕姜被同臥
起家庭愛日長君言功名非顯揚許身稷契吾輩事麟閣圖
畫輕侯王君任楨幹用我豈蓬蒿人王貢慶彈冠交非面朋
洵有神於戲升沈聚散如轉轂雲龍上下共追逐我去江南
望江北

靈巖山觀太湖

春雲沈沈山蒼蒼山氣併收湖氣涼湖光倒射日影出一山
秀立湖水傍曉風散雲彩吹我登巖岡山平徑直若坦道一
塔高矗圍寺牆拾級直上登絕頂豁然眼界意氣揚左挹崧
嶺右天平勢若飛鳥相頽頽七十二峯各羅列飛泉百道爭
騰驤匯爲一川作巨澤亦如江漢來朝王遠開湖面五百里
平流萬頃波汪洋青銅一色磨鏡面碧水遠接長天長微颺
忽然吹細浪壺冰碎割玻璃方蒲帆兩下不到岸漁舟點點
任輕颺遙收浙皖諸水作支流天目眾峯圍列若相望置身
秀絕處舉首極軒昂山靈不我侮招我飲瓊漿水流山足更
清曲且試濯纓同滄浪此山或亦靈鷲飛到此此湖亦通洞
庭與鄱陽我欲飲山深我欲吸湖光崑崙崙咫尺必可到蓬萊

弱水無徊徨

洪昌壽

字繼賢同元
子仁和諸生

孫樹禮曰君性極敏目數行下十歲能文十二補諸生
博涉羣籍寒暑罔間先是尊甫貞甫先生著說文拾遺
未竟而歿君爲纂續之成說文
拾遺續集五卷卒年僅二十一

和友人題壁韻

天風霏屑燦珠璣腕走靈蛇字欲飛一曲陽春和應寡恍流

餘響繞雲扉

王晉臣

字畫三號縉山仁和
人著小有吾廬詩藁

卓德徵曰外舅畫三先生幼學博聞少工文辭所爲詩
陶寫性情不事雕琢庚辛劫後流離遷徙悲憤之意一
寄於詩病歿若
上藁多不存

偶成

天意殆深警厥心今若何良苗新種少明鏡舊塵多風俗須

兩浙輶軒續錄補遺

卷五

洪昌壽 王晉臣 高如陵

至

培養人才惜揣摩滔滔猶未返吾意在巖阿

高如陵

字鏡英仁和人著東浦萍寄集

家傳略如陵早棄儒業雖持籌握算而不廢吟詠與弟
雲避兵上海偕李蓮卿邦楷日相唱和名其集曰東浦
萍寄識其地與時也其所爲文似詭調儻亦復名家惜
皆散佚不存字則規撫唐人以返漢隸今尚有珍重之
者

擬岑參白雪歌送武判官歸里

大風陡起塞雲黑平沙萬里日無色遙空轉瞬雪亂飛素旂
銀甲生光輝片刻寒光滿地軸號令不伸軍氣肅冷淡營門
角不吹荒涼山路馬停牧雪中回首盼關河寒逼征衣鄉思
多久客欲歸留不得強笑臨歧心轉惻此時萬籟寂無聲遙
望歸途眼倍明惻惻作別不盡語雪自茫茫人自去今宵帳
裏還憶君夢繞寒山不知處

擬王維觀獵

出獵不辭遙軍中意氣驕翻身馳健馬反手落雙雕遠塞日
將沒平原草未燒歸來呼暖酒猶自劍橫腰

查有淦

字元白海甯諸生

許滄詳曰元白天資明敏助學攻苦家貧以負米計糶筆游閩中二十餘載卒以懷才不偶抑鬱而歸乃復援例以府經歷需次蘇垣庚申之難行李蕩然流徙他鄉不數月病歿

送錢司馬

春泉

回秀州

寒山空翠落窗櫺翦燭談心酒共傾萬里橋邊書畫舫三城
戍外別離情仙霞前度鴻爲伴樵李今歸月共行笑我客中
仍送客何時更結鷺鷥盟

江頭夜泊

隔岸漁燈似曉星疏疏密密映波明青山盡處一帆出臥聽

波中欸乃聲

徐家駒

字小魚海甯諸生
著補讀齋詩鈔

蘆花

蓼汀蘋渚不勝秋
瑟瑟西風感白頭
冷月半江人怨笛
夜潮兩岸客停舟
飛殘暮雨羣飛雁
點破朝煙幾點鷗
最是天涯羈旅客
一般飄泊動鄉愁

宋

榮

字汲園海甯諸生
著賦梅吟館詩藁

秋柳

三兩寒蟬噪水潯
秋來猶是綠成陰
梁園夢斷鶯梭杳
隋渚風淒燕翦沈
憔悴最宜零白露
蕭條何事問黃金
靈和殿裏增惆悵
疏雨疏煙恨不禁

高書培

字曼生海甯諸生

許淮祥曰曼生天性純摯好結納所居肯市結廬蒔花
種竹客至流連鴈詠移晷忘倦韻語清俊尙未刊行
秋夜泛舟魏塘

澹月映微波輕舟拂櫂過夜深漁火亂秋老荻花多未作淩
雲賦聊成擊楫歌林塘煙淼極目意如何

沈

烜

字丙巖海
甯諸生

許淮祥曰丙巖內行敦篤工詞賦遭際多舛其從祖春
帆先生官山左招游黍苗有魯游草一卷詩多淒調兵
燹散佚門人鄒師謙哀其舊作
僅二十餘首錄此以見一斑

林逋宅

獨樹爲橋小結廬

用先
生句

于今故宅記林逋野梅繞徑香仍冷

老鶴迎人舞更臞檻外那堪斜照黯門前依舊此山孤低徊
往代流風在宰相華堂已綠蕪

鄒

清

字曉峯號竹坡臨安
廩貢官西安訓導

憶淨土寺

憶昔款山門初夏歲在午相隔一紀餘勞勞不知務閒曹羈
冷暑幽境渺靈宇齋魚宣梵夾傳鐙證法乳石鏡如月明鬚
眉朗可數丹楓爛披錦豔豔照深塢穹碑入尺高一半土中
露可知錢王功試聽塔鈴語林風夏喬柯山月照歸路廢興
何足言徘徊幾回顧夢中重眺游觀察一仰俯

倪葆辰

字頴僑號翼
橋嘉興諸生

許仁杰曰翼橋性耽吟詠家貧舌耕養親死寇難
脚贈雲騎尉

追步原韻贈王棗坡

景

貂裘無分禦寒冬酌酒頻澆磊塊胸蜨影亂飛千里雪濤聲
遙聽萬山松琴彈古調知音少飄挂新詩到處逢握管愧無
佳句贈祇餘清夢記重重

題俞笑山錦北遊詩集

一片離騷屈宋心寫來山水激清音不知燕趙遨遊處可碎
千金市上琴

張陶詠

號詩隱嘉興諸生

吳受福曰詩隱性耽吟詠積稟甚富道光初與楊韻秦廷桓于源劉建標金樹本結社聯吟刊鴛湖六子詩仁和宋小茗學博有序中年走長安應京兆試游江淮齊魯閒不得志而歸賣藥罍溪之濱庚申寇至卒

宿正心堂與殿章上人夜話

露團林寂靜星見夜黃昏
鐙影耿虛壁犬聲流遠邨
殘鐘搖客夢冷月沁詩魂
高枕山牕下頻將輓語論

錢

松

字貢青號友梅嘉興人著絳雪樓遺草

陳壽熊傳略友梅少穎敏能詩工書配樊夫人補之女姪也補之與郭頴伽上舍相友善君旣婿於樊居又同里故其詩於頴伽爲近書亦似之

卒年僅二十五樊夫人亦有賢行

銀河篇

梧桐庭院涼初生水晶簾捲秋風清華星歷歷照戶牖碧天
無際銀河明銀河橫空曳素練南箕北斗遙相見高樓應有
未眠人曲曲紅欄倚將徧生憐牛女隔東西牛兮服箱女錦
機盈盈一水不得渡羲和空自敲玻璃銀河之影何悠悠蕩
漾秋思千家樓千家碯聲正淒切錦字年年怨離別安得征
夫盡早歸人閒天上同佳節

秋齋閒興

微風逗新涼秋聲諳疏竹息影坐蓬廬奇書自鈔讀庭梧
漸黃溪柳髡不綠念茲節物改一觴飲已足徘徊望西疇
離禾正熟

與竹坡

吾宗有高士落落不趨時閉戶吟新句看山訪舊碑家貧天
與健名淡世無知卻得悠然興聞湖一釣師

朱

浩字利川號荔
餐秀水歲貢

題倪秋坪詞集

手拓銀鉤墨氣涼鏤冰翦雪奏清商遂家自按蘋洲謹井水
同吟樂府章幾輩風流成絕調舊時池館有斜陽野雲天半
孤飛遠低首西江石帚羨

情天爛漫簇雲霞方絮留題管燦花橫截大江喧鐵板低吟
小令按紅牙金風亭長尊前輩瘳隱盒人拜本家清淨眞僊
遺世立頓教俗耳洗箏琶

一卷新翻本事詩鸞吡鳳靡呢相思可曾桑下留三宿舍向
花閒賦五噫無迄翩遲驚綠葉有情差勝比紅兒癡心把酒

東風祝莫遣飛英墮溷籬

周

閑

字存伯秀水人官江蘇新陽知縣著范湖草堂詩文集

孫悅祖曰存伯雅擅三絕餘事踞印人之席余嘗于
梅所與傾素袈爲余作小印用醉醒二字分兩頭蓋之
余每作畫有得意筆必用以鈐尾志夙好也

同徐孝廉維城夜泛西湖

日夕動佳興攬衣夜行游泛舟湖渚暮靄散芳洲輕颺拂
素雲喬林變初秋萍末辨漁火涼夢警宿鷗澄懷曠無寐放
櫂嬉中流徜徉發浩詠月靜境轉幽耳無笙歌喧日與山水
謀傾城竭白日短苦莫留日短有夜長此樂何人求

海上雜詩

廟算本神武臺圖薄戰功衛青工辨賊魏絳主和戎使者敵
中至軍書海道通儻如下南越亦足慰

宸衷

忽聞飛急騎，蕞爾尙連艘。上將留龍武，前軍掘虎牢。防秋千里遠，籌海一樓高。誓壘終難信，憑軒視佩刀。

轉鬪王師老，蛟門咽暮潮。陣雲寒不捲，戰血憤難消。馬謖聰明誤，桓温志氣驕。終看徒一死，何補

聖明朝

破竹已成勢，丸泥豈得安。地孤鄰援絕，師老背城難。古郡金甌缺，空江鐵鎖寒。百年生聚滿，瑣尾意多艱。

援師諸路潰，巷戰一軍并。日落驚桴鼓，春深折羽旌。青谿卞壺柵，絲竹葛瞻城。宿將看都盡，應傷故老情。

長揖參軍事，前鋒論戰功。衙兵銜李廣，門掾譜田豐。夜嘯獄中劍，春閒壁上弓。

國恩酬未得，晞髮對晨風。

小九華山僧明儉扁舟來訪

團瓢憶上泛湖船，重拂袈裟已十年。
滿地干戈猶健在，扁舟筆研有餘緣。
三生空話青山約，四大難安白足禪。
舊日講堂曾入叩，隔江塵市細成煙。

葉思澄

字賓秋
秀水人

壽李申耆先生

早歲辭官鬢未華，衡門安穩足煙霞。
香山老去能參佛，陶令歸來合種花。
日下名傳新箸橐，江南人服大方家。
壽星筮倣茱萸會，弟子稱觥挽鞠車。

王褰之

字甘巖
秀水人

李肇曾序略
數跡變製所

謂晚近名家惟王筠獨步者
君殆其人

陳環跋略甘巖詩學少陵庚申以後驚心絳
燧詞多感憤浣花忠愛之遺可略得一二也

揚州雜詩

江左遺芬盡瓊花尙有臺虛傳瑤島種曾賺錦帆來傑閣飛
清磬危欄臥碧苔昏鴉與枯柳終古一遲徊

昔聞金果洞今見桃花菴畫境得初搨鄉心生夕嵐招雲碧
淮甸夢雨紅江潭何日武林權重尋彌勒龕

楓霞尋白塔蘆雪引紅橋禊飲追諸老文章展六朝匠心林
壑苦客思海門遙準擬橫江去雲屏手亂招

苦恨青山約浮雲二十年蒹葭搖浦激楊柳健風煙埋骨嗟
何所懷才信可憐鴛鴦三十六零落暮江邊

諸將

莫謂籌邊舊有樓羣飛海水使人愁可堪大樹飄零後竟遺

長鯨汗漫遊龍襪焉知持至計萑苻翻得遂姦謀東南羽檄
蒼皇甚宵旰誰分

聖主憂

棄甲拋戈悉遁逃重城百雉枉爲高藩籬已失長江險旗鼓
多煩上將操京口月方橫殺氣秣陵風又起驚濤鳴張似此
將誰咎蒿目流亾正驛騷

不惜金縷與契丹許盟城下太無端搜牢徒使民膏盡送喜
虛傳賊膽寒誰爲上書思賈誼獨憐流涕是袁安天災況復
滋炎旱那許憂時意暫寬

四郊多壘行人恐千里烽煙羈客愁其奈豺狼乘此日未聞
鷹隼下高秋樓身何處謀三窟借箸憑誰措一籌到底江湖
餘土氣還將無缺惜金甌

焦山雜詩

崩崖攫潛虯危磴逐飛鳥不知所歷高但覺眾山小天風拂
衣塵海色洞窗曉鐵甕既彈丸金鼇亦鱗爪卻願適來徑其
下有晴昊何處聞樵歌蒼煙橫絕島

生死甘巖栖山川藉人勝遂掩浮玉名獨畀瓜廬鎮高視見
巢許何心論魏晉三詔浮雲馳千潭孤月印力遵道岸遙禮
仰神峯峻世多袞袞才我已蒼蒼鬢荷鋪待重來一抔公勿
吝

鶴銘字不具傳是山樵作真意逼兩晉勁栗又磅礴往劫付
轟雷好事更椎鑿鑿亭庶可覆古物將焉託何年鶴歸來與
吾共寥廓

金陵客感

謫仙不復作寥落鳳皇臺明月自終古青山如此才豪情賸
詩酒芳草換塵埃獨立江天表西風畫角哀

元武軍聲盡湖波湧素秋俯從天北極注到水西頭紅蓼開
孤鷺白荷棲暮鷗臺城悽愴極憑弔有漁舟

送高伯平

均儒還鄉

煙雨連江夢泥塗不世才古心將野鶴小隱屬深杯獨權歸
何晚寒烽鬱未開何當江海廓重話故山梅

呈黃樹齋先生

會稽

漏卮片牘忱羣情曉日丹山一鳳鳴人以敢言推汲黯
帝方動色識眞卿垂紳隱荷

朝端重握尺曾令物望傾更祝出山今謝傅早將霖雨慰蒼
生

孫傳椿

字小亭
嘉善人

新州竹枝詞

湖光水色遠連天，亭畔閒游憶昔賢。八百年來成小劫，橫塘

一片鎖寒煙。

湖天亭在縣東南五十步，舊名南湖，奇觀。宋嘉定中州守楊承祖建，今已佃爲民居。

遠上龍山石徑平，蕭蕭紺宇晚風清。閒來一覺軒中睡，聽取

飛泉石上鳴。

龍山，國恩寺內有覺軒，今廢。石帶飛泉，龍山八景之一。

孫爾根

字芸坡
嘉善人

過岳倦翁故居

祖德能廣靈，運詩陰纍掃。盡荷天慈金陀坊，裏斜陽路花竹

荒殘異舊時。

沈

字竹賓
海鹽人

借蔡硯香

載棟

孫寶華

元培

訪黃葉村莊

大隱在朝市幽居此礪阿徑深黃葉滿門掩冷雲多種菜人
空老尋碑客又過蔡侯有同調決計託煙蘿

吳世美

字槎仙石
門歲貢

許淮祥曰舅氏槎仙先生宅心謹厚生平不賦否人付
遇人爭執推誠排解務在息事鄉里稱長者家貧傭書
以供甘旨秋闈屢躋遂棄舉于業藁筆幕游先于牧膠
東守淮徐爲司記室多所匡助詩不多作亦不存藁先
生有女適仁和朱氏篋中藏有三絕蓋燹後僅
存者子慶祺慶年俱庠生移家省垣庚申死難

作客

又作天涯獨客身出門惘惘歎風塵少年豪氣消磨盡莫說
猪肝不累人

隄長隄短水東流搔首斜陽客繫舟衰柳也如人意冷更誰
青眼爲儂留

天寒日暮宿荒郊三市飛鴉繞樹梢一樣栖栖飢覓食羨他

反哺已歸巢

沈振鱗

字春海石門增貢

汪福椿曰春海丈性方嚴樂吟詠兼涉卜筮星命之學
著有姓氏紀略六壬範圍光緒丁丑重游泮水年八十
尚健步善飯每行吟眺望
悠然自得存古隱者風

初冬卽事

黃葉村邊宅縈溪水一圍陽生梅萼綻氣暖藥苗肥點樹鴉
翻墨眠枝蜨曬衣跨牛來牧子落日淡餘暉

自遣

絕意求名利因忘世路難鶴梅新眷屬鶉籜舊衣冠風雨懷
人至煙霞供我餐坐中誰左右脩竹共檀欒

胡紹基

字福田號少芝石門諸生

不寐有感

瘦到維摩強自持一鐙兀坐漫吟詩豈緣文字能招忌未中
炎涼尙可醫魚躍鳶飛同潑潑曲肱疏水亦怡怡樂天知命
吾何有人世窮通且待時

沈慶慈

字仲田學詩子平湖諸生官仁和訓導

沈應奎謨傳余弟仲田孝恭盡禮立品端潔書法能自成家甲辰受知於學使吳晴舫侍郎評其行卷有字冠通場之譽於是名日噪求書者踵相接弟亦益自發憤力學庚辛之難兩姪俱幼爲賊所掠感時憂憤卒於滬上余孤露同懷惟兄弟二人胡天不弔使余宗祏之緒不絕如縷二十年來痛定思痛不知涕之何從也

中秋夜懷劉蘊山

寒蟬唧唧思悠悠百轉離愁總未休料得故人同此夜冰輪
涼浣一襟秋

中秋夜懷玉福兩兒

佳節相逢感已侵那堪雁杳復魚沈武林冰鏡吳湘月分照

離憂兩地心

錢智林

宇山薊平湖人著海月松風閣詩鈔

鶴骨肥無病也貪行藥好有詩都爲賞花來箸書未必能傳世中酒須知莫近人皆是雋句

山居晚步

暮靄橫遙郭秋山斂靜容林煙迎宿鳥村火聚鄰春影落碧溪水聲迷遠寺鐘意行隨步履海月上孤松

嚴

籛

字士竹歸安人江蘇候補府經歷

陳環傳略先生與嶺橋修能兩先生同族聯居薰染家學少孤家貧游燕趙關爲人書記中年以後作宦蘇州近可迎母庾申城陷入張提督玉良幕中佐治軍書明年杭州再失遂以身殉詩藁散佚無從訪問矣

入居庸關

所向何空闊幡然倦客游年年思遠道處處作邊愁賣賦時

多難歸農力有秋正逢新雨霽山翠好句留

半生憑弔意莽莽愛搜奇夜月明妃冢秋風竇憲碑婆娑獨
年少茗芋過佳期欲貰前村酒停鞭憶所知

虞

峻

字竹亭象山貢生
著舊枕石山房稟

陳得心撰墓誌先生少讀書恆竟夕壯以經濟自負當
粵逆竄浙日率鄉人練團防禦其鄉賴以保全教人治
經必折衷於宋儒家雖貧乏性好推解
鄉人皆稱虞先生而不名年八十二卒

過毓蘭軒贈陳南屏先生

小築城南僻陂塘五畝寬怡神擁圖史佳氣茁萋藹俯仰多
陳迹春秋足古歡前修真自慊翻說力行難

史福濟

字錫卿山陰廩生
著餐霞精舍稟

柏子

蘆荻蕭疏漁浦夕千樹垂垂疏復密乍疑闌禱老梅花朔雪

封枝同一白村前村後聞喧鶯晶瑩萬顆珍珠跳壓油得膏
足繼晷蓮檠蘭燄光不搖豪家烈炬凝煙碧火樹銀花排錦
室有時把酒對丹楓錯訝枝頭結朱實君不見江村兒女打
烏柏星火光中博升斗楓林月黑趁魚鐙滿身涼露君知否
擬東坡催試官考較作

天上一輪月照見筆花開五色江頭一綫潮助爾文瀾薄九
霄月耶潮耶共出沒燭炮三條聽擊鉢枕上聲回分外清簷
前影落無邊闊鎖院沈沈夜色幽煎茶可以酬清秋滿輪玉
兔排雲出萬道金蛇滾雪流一枝許向蟾宮乞江上紅旗爭
報捷想見開門一笑時雪練冰壺壯秋色桂花芬馥浪花鋪
大塊文章何處無睡眼看花同走馬好從雲水洗模胡明宵
月遜今宵月明日潮聲勝今日安排一醉豁雙眸望海樓頭

天地白

史英濟

字子安山
陰諸生

絡緯詞

明月半窗鏜四壁萬籟沈沈人寂寂絡緯一聲金井寒愁緒
無端引千疊乍如羨婦訴殘更倏若騷人吟永夕遠疑塞北
吹邊笳近答山陽咽鄰笛貧家有女初入聽終宵自理窗前
織坐盡寒闌五夜風成得寒機三尺帛賣向豪家作嫁裳單
衾敗絮仍淒切連雲高閣劇笙歌紅錦纏頭方浪擲酒闌卻
擁繡衾眠反惱秋聲睡不得

紅葉

嚴霜一夜逐西風萬樹蕭蕭落照中放眼南湖看秋色選詞
應唱滿江紅

史久中

字心野山陰諸生寄
生草堂詩藁十二卷

禹廟梅梁歌

大禹廟庭煥金碧上有梅梁亘百尺憶昔僧繇戲畫龍龍鱗
梁際留眞迹鑑湖春漲桃花紅有時龍戲波濤中夜浴波心
曉歸室遶身蘋藻何青蔥我聞神龍變化不可測何必梁閒
受羈繼江湖浩淼浪拍天風雷合助升天翼乃知龍性絕矜
驕浮沈不樂隨風潮但將此身擔大廈雖當維繫猶雲霄

讀史有感

愁雲慘淡滿關河十萬貔貅乍枕戈天遣吳王留宰詒誰教
趙括代廉頗東山女伎空驕敵南渡衣冠但議和千古成虧
論不得且彈長鋏付悲歌

楊

鼎字禹銘號器
之山陰人

檢藏書有感

辛勤十七載書卷四萬餘積之頗不易愛惜逾璠璣旁觀多竊笑此翁何太迂其臞類山澤自稱味道腴飯熟不遑食髮亂不暇梳精力疲無用天地一蠹魚不見東家鄰握算較鏹銖膏飫遺孫子冠帶耀里閭余聞謝不敏窮達順其境非矜插架多汲古須修綆由博而返約尋源得要領寡過愧未能鑑古稍自省雖有豚犬兒何由望脫穎竭力營田疇恐亦成畫餅不若從吾好疏水樂清靜

孫植方

字菊臣號石史琦孫會稽增生

孫廷璋曰君于羣從最隱秀以擅長小品文字有聲于時尤工畫螭每有所作輒後以小詩率哀感頑豔肖其爲人絀年不祿遺箸飄零撥拾一二猶如見翩翩顏影時也

自題菊花胡蝶畫屏

金迷紙醉合輪君轉瞬秋庭又夕曛
甘與黃花同瘦損銀泥
羞上畫羅裙

用摩詰雪裏芭蕉畫意戲作綠梅雙蝶

年年鳳子成仙蛻生世難逢綠萼開
我替翠襟邀豔侶羅浮
寒月拍歌來

孫悅祖

號奕庵念祖兄會稽人著

寄龔文存先生九齡能詩工書畫有聖龍之日先府君
奇其才遜之異于諸姪既冠以名法客本道幕未幾棄
去流寓甬上填詞名籍甚復莊號先生方主盟燈前一
見詞意年交爲草味在室路久之旋越德祖就外傳矣
讀先生詞好之句其請勿與曰弟弱小非所宜習蓋學
作書因出所藏魏晉以來及唐宋大家名蹟各就其體
勢授以筆法日明余其有虧于弟及先君棄養先生與
朝夕真必撫德祖勸與以是致疾後先君一年卒遺棄
皆零雜編楮錄巾箱中妓裝屬德祖寫定之羸然倚廬
觸哀楚絕蓋受之而未忍開也其秋郡城陷寇倉皇奉
太夫人出走先生遺
文與故廬同盡傷已

兩浙輟軒續錄補遺

卷五

孫植方 孫悅祖 梁之祥

畚

八

自題梅花畫帳

窮冬冰雪凋干林蒼松翠竹空蕭森造化不肯竟枯寂著花
老樹勞天心可笑世人工側媚此花亦復遭欺侵謂花占魁
實調鼎狀元宰相梅豈任我欲入山深復深羅浮道遠不可
尋不如潑墨落紙帳因之飛夢孤山岑起看參橫月未沈更
燒柏子調青琴寒香一縷醒詩魄翩翩舞我來胎禽

阻風文亭淪茗江樓遣悶題壁

石尤無賴阻歸程未判輕舟幾日停怒浪作花春雪白去帆
如葉遠山青臨江店舍茶初熟滿腹牢愁酒半醒雙宿沙鷗
吾羨汝不知人世有飄零

梁之祥

字端卿會稽增生

泡

身世浮漚耳鬪心水上泡色空原可惜烏有竟相嘲滿月圓
難久疏星散孰教沸紅薪在釜凸碧酒盈甌吐認魚初咳消
防燕偶捎晶瑩冠玉綴錯落掌珠拋噓氣應嗤蟹堆盤似泣
鮫達觀同夢境梵語試推敲

姚汝晉

號梅庵
會稽人

題岑鏡西先生延絲齋詩集

蓮幕歸來已倦游向平願畢復何求稽山鏡水供吟眺漁弟
樵兄互唱酬遜世高懷追栲栳盤空硬語繼嘉州忌機合與
鷗爲侶社長頭銜署泊鷗

趨庭曾見往來頻耆舊如公復幾人白首尙思同洛社素衣
深悔染京塵溪山醉酒登臨徧風雨聯牀笑語親把卷不禁
悲手澤西齋遺迹已成塵

施

烺

號蔗溪餘姚諸生
著且過居詩集

白湖塘上

三面嵐光映夕曛一塘橫互水沄沄
白蘆隄畔鴉千點紅樹洲邊鷺幾羣
晚渡漁舟雙槳月下山樵擔一肩
雲金仙寺與湖頭廟秋色年年各半分

陳

墀

字丹崖號芳洲上虞廩生著丹崖詩藁

射獵歌

金僕姑花叱撥射虎西山頭草枯石欲活
區區安足論志在不可奪一出玉門關
萬里無空關

王

模

字采山甯海人著瑞竹軒詩鈔

謝鮑拙齋先生

檢

見贈拙集題詞

瑤章讀罷思慙慙
樗櫟勞贈斧斤時
俗譴憐王彥伯
人間

復見鮑參軍相思海上看明月悵望江東隔暮雲願學劉歆
知已賦瓣香從此爲公焚

陳壽璐

字雪蓮太平歲貢
著樂吾樂齋詩藁

· 消夏詞

擬將小築近林隈十二疏窗面面開
隔岸綠陰人送酒櫓聲
伊軋傍橋來

兩隄楊柳夾成行架得茅亭古野塘倚石讀書衣袂綠直疑
身在畫中央

披襟好趁夜深宜風定迴廊月落時知已二三情款洽分曹
瓜戰故遲遲

細雨如酥膏綠塘霏霏十里藕花香等閒蕩槳湖心去沁人
詩脾自在涼

林茂 岫

字紫東 太平廩貢官嚴州訓導 著環碧樓詩存

遊栗溪

路從溪口入 衰柳尚垂條 石咽泉如斷 崖幽霧不消 勝遊雙木屐 秋興一詩瓢 山曲微風度 清芬雜桂椒

林

藍 字璧人 太平諸生 著桐陰小舍詩鈔

消夏詞

花爲四壁綠陰通 竹枕藤牀臥午風 好是藕絲衫子薄 鸚哥呼夢倚簾櫳

雪達齋中晤黃壺舟先生出漠事里言倚劍集相示步

韻

功名五斗才 八斗棄卻功名負 才走紅山黑水富 詩篇破囊不贖一錢守 歸來隨俗聊浮沈 故交寥落誰知心 我輩後生

快承教嬉笑怒詈皆規箴昨日袖詩寓齋過珠玉輝輝九天
唾願俾都講焚瓣香爲公特設皋比座

方

彬字磻溪金華諸生箸磻溪詩草

松墩步月

明河淡秋月幽谷鳴秋聲秋風颯然至松墩秋氣清濤聲從
西來松影交縱橫披襟發長嘯頓覺塵慮輕何須秉燭游卽
此寄幽情

山居

山居遠隔白雲隈春雨新添一徑苔茅屋深藏疏竹裏柴扉
斜向亂峰開家貧篋有殘書在地僻門無俗客來醉臥不知
天已曉枕邊時聽鳥聲催

寄懷仲弟麗川

十載宜樓共苦吟君今避俗寄禪林詩成未必僧能識別久
翻教客屢尋雨溼茶煙添竹韻雲深鶴夢冷花陰幾時我亦
偷閒到對榻清談證夙心

燕客亭閒眺

綠柳叢中燕客亭雙溪水繞遠山青懷人更在遠山外未識
歸舟何處停

戴熙堂

字次修號夢軒浦江諸生

李士塏傳略公英敏有大志喜吟詩成豐己未奉大府檄練鄉勇防堵洋塘關辛酉九月力竭陣亡子興陞從死並

賜卹世襲雲騎尉

閏三月二十三日作

今古茫茫貉一邱我生如電此句留黃楊易戾三年閏碧海
難填萬斛愁忙裏有詩酬歲月閒中無夢到公侯不須捫蝨

談時務莽莽沙蟲鬧未休

放鶴亭

裏湖風月照冰心鶴去亭空鎖綠陰華表千年仙夢杳孤山
一角暮雲深當階苔翠痕初上糝徑松花迹可尋賸有寒梅
三百樹暗香疏影記清吟

吳煥文

字雲樓遂昌人
箸澹然齋詩橐

曉山屬題聽泉圖

靜坐不知暑空山風雨聲樹依危磴溼泉挂斷崖明漱石聞
清籟哦詩愜遠情伊人阻秋水開卷若歡迎

王鴻朗

字笈甫海甯
人候選知府

汪曾唯曰笈甫善屬文工繪事幼隨父客楚北長游山
左中歲復至楚北元瑜記室名動公卿詩文遺藁均未
彙潘椒坡大令刻其
畫鍾馗題記一卷

叉魚灘

江出烏尤東石骨漸堅瘦礫砢插中流駭浪日夜吼叉魚天
下險聞此蓋已舊曩從枕上過驚悸且昏瞶今者立船頭奇
觀快初覩一峯出波底逸翮矯靈鷲怪石排縱橫往往勢相
湊江乃束其中曲折與石鬪奮然奪路出其疾若懸溜吾舟
乘上游赴的滿張殼篙撥迅如飛舵轉畏於寇羣般視所指
銜尾繼其後誓將生死爭甘以性命授何來禱佛聲船底寧
欲透行止眞兩難號呼覲一救天容正慘澹江波忽馳驟始
焉嘿無聲俄而起相詬猛將歛突圍尙書笑由竇豈不藉人
力或者亦神祐嗟予老江湖目擊便眉皺去歲青狼灘絳斷
舟遂覆蛟龍相鄙夷波濤幸赦宥至今思艱難痛若被鍼灸
脫險胡不懲浪游豈非謬峯轉危亭東飛雪擁巖岫亭上雙

井翁挈榼倘相就，爛醉慶更生。餘酣晚汀漱。

晚泊尤溪

斷岸參差勢不交，人家隨意便誅茅。平橋似篋通沙背，一塔如帆挂樹梢。夢遠江湖鄉訊杳，客兼吳楚語聲淆。斜陽閃閃鷗鴉背，羨爾歸飛有定巢。

藍沱

恩恩淺夏換深冬，到眼江山忽改容。誰把荒灘移木杪，別從波底出奇峯。

郭沈彬

字子方，海甯人。著玉璫瑩館詩。

許仁杰，日子方，植性孝友，敏慧絕倫。以岐黃世其家，肘後之書，頗能活人。一時有和緩之目云。

嘲蚊

昆蟲雖至小，亦各有所屬。促織可戒惰，流螢能照讀。獨此么

磨種蠹爾無一覺族類實綦微賦性尤陰毒天氣值鬱蒸徧
地漸繁育晝伏而夜動雷聲轟帷幄膏血慣竊嘗肌膚每暗
剝短吸復長噓飽啖無厭足不計逢秋風但知附炎煖笑爾
亦何爲徒逞一時欲會看丹鳥來供其一果腹

都承恩

字春潮
桐鄉人

吳受福曰先生秉性骨鯁與朋友交恆面折其過樂善
不倦鄉里義舉多倚賴之生平爲詩極多自寫胸臆不
事彫琢其指陳時政發抒
民隱頗有石壕春陵之遺

葉行鼓

并序

葉行鼓者桑葉價貴則行戶擊鼓以催使人爭來趨
售道光庚子歲葉價每百劬至錢三千有奇飼蠶之
戶困憊難支因作此以告痛

葉行鼓葉行鼓聲聲敲處驚蓬戶鼓不敲時續千五一敲再

敲更倍數蠶稠葉稀走無路十桑偏有九桑蠶採取艱難朝
至暮吞聲飲恨向誰訴一朝上箔密密布嘔心探望絲腸吐
縱使山頭蠶將作蕪植木作棚博麥草置其上將蠶散布俗名山頭十倍收纜絲百兩猶
愁苦可憐苛政猛于虎挖肉醫瘡究何補君不見遊冶兒衣
紈袴月夕花朝競歌舞頑童豔婢厭綺組蠶娘身上無寸縷

慨世篇

江海有深淺人心何太險一波又一波令我不及檢內懷鬼
域心外貌偏綵繩察君近時事負愧守門犬反噬昧恩仇面
目能無覩子種與孫耕心田留一點慈壑本難填居心況卑
漏荆棘滿當途刺衣豈能免

何

岱

字雲構號亂客柏章子臨海諸生

桐柏宮清聖祠

兩浙輶軒續錄

卷五

都承恩 何岱

半

伯曰難兄叔難弟讓國叩馬綱常繫北海西山往迹湮金庭
石像何年製圖牒無徵漫搜討白雲已逐黃雲宵祇餘荒藓
沒殘碑空有哀猿嘯清曉幾回冠蓋盛游蹤憑弔憑誰問故
宮鹿苑獅林增丹牘頽垣無復問清風清風祠宇銷沈久名
區自有山靈守重新榱桷九峯高名易朝真與朝斗百世聞
風多興起先後相承同此理惟賢希聖祔一堂脈溯淮源羣
仰止名山故物已重還邊豆馨香從此始移孝作忠俟君子